

कृष्ण यजुर्वेदीय तैत्तिरीय  
संहिता, पद, जटा, घन पाठः

7.1 सप्तमकाण्डे प्रथमः प्रश्नः- अश्वमेधगत

## **Contents**

<b>TS 7.1.1.1</b>	<b>5</b>
<b>TS 7.1.1.2</b>	<b>5</b>
<b>TS 7.1.1.3</b>	<b>6</b>
<b>TS 7.1.1.4</b>	<b>7</b>
<b>TS 7.1.1.5</b>	<b>8</b>
<b>TS 7.1.1.6</b>	<b>9</b>
<b>TS 7.1.2.1</b>	<b>10</b>
<b>TS 7.1.3.1</b>	<b>11</b>
<b>TS 7.1.3.2</b>	<b>12</b>
<b>TS 7.1.3.3</b>	<b>13</b>
<b>TS 7.1.4.1</b>	<b>14</b>
<b>TS 7.1.4.2</b>	<b>15</b>
<b>TS 7.1.4.3</b>	<b>16</b>

	2
<b>TS 7.1.5.1</b>	<b>17</b>
<b>TS 7.1.5.2</b>	<b>18</b>
<b>TS 7.1.5.3</b>	<b>18</b>
<b>TS 7.1.5.4</b>	<b>19</b>
<b>TS 7.1.5.5</b>	<b>20</b>
<b>TS 7.1.5.6</b>	<b>21</b>
<b>TS 7.1.5.7</b>	<b>22</b>
<b>TS 7.1.6.1</b>	<b>23</b>
<b>TS 7.1.6.2</b>	<b>24</b>
<b>TS 7.1.6.3</b>	<b>25</b>
<b>TS 7.1.6.4</b>	<b>25</b>
<b>TS 7.1.6.5</b>	<b>26</b>
<b>TS 7.1.6.6</b>	<b>27</b>
<b>TS 7.1.6.7</b>	<b>28</b>

	3
<b>TS 7.1.6.8</b>	<b>29</b>
<b>TS 7.1.7.1</b>	<b>30</b>
<b>TS 7.1.7.2</b>	<b>31</b>
<b>TS 7.1.7.3</b>	<b>31</b>
<b>TS 7.1.7.4</b>	<b>32</b>
<b>TS 7.1.8.1</b>	<b>33</b>
<b>TS 7.1.8.2</b>	<b>34</b>
<b>TS 7.1.9.1</b>	<b>35</b>
<b>TS 7.1.10.1</b>	<b>36</b>
<b>TS 7.1.10.2</b>	<b>37</b>
<b>TS 7.1.10.3</b>	<b>38</b>
<b>TS 7.1.10.4</b>	<b>39</b>
<b>TS 7.1.11.1</b>	<b>40</b>
<b>TS 7.1.12.1</b>	<b>41</b>

	4
<b>TS 7.1.13.1</b>	<b>42</b>
<b>TS 7.1.14.1</b>	<b>43</b>
<b>TS 7.1.15.1</b>	<b>43</b>
<b>TS 7.1.16.1</b>	<b>44</b>
<b>TS 7.1.17.1</b>	<b>45</b>
<b>TS 7.1.18.1</b>	<b>46</b>
<b>TS 7.1.18.2</b>	<b>47</b>
<b>TS 7.1.19.1</b>	<b>48</b>
<b>TS 7.1.19.2</b>	<b>49</b>
<b>TS 7.1.19.3</b>	<b>50</b>
<b>TS 7.1.20.1</b>	<b>51</b>

**TS 7.1.1.1****TS 7.1.1.1****Samhita Paata**

प्रजननं ज्योतिरग्नि-देवतानां ज्योतिर्विराट् छन्दसां ज्योतिर्विराड् वाचोऽग्नौ सं तिष्ठते विराजमभि  
 संपद्यते तस्मात् तज्ज्योतिरुच्यते द्वौ स्तोमौ प्रातस्सवनं वहतो यथा प्राणश्चाऽपानश्च द्वौ माद्व्यन्दिनः  
 सवनं यथा चक्षुश्च श्रोत्रं च द्वौ तृतीयसवनं यथा वाक् च प्रतिष्ठा च पुरुषसंमितो वा एष यज्ञोऽस्थूरि  
 - [ ]

**Pada Paata**

प्रजननमिति प्र-जननम् । ज्योतिः । अग्निः । देवतानाम् । ज्योतिः । विराडिति वि - राट् ।  
 छन्दसाम् । ज्योतिः । विराडिति वि - राट् । वाचः । अग्नौ । समिति । तिष्ठते । विराजमिति  
 वि - राजम् । अभि । समिति । पद्यते । तस्मात् । तत् । ज्योतिः । उच्यते । द्वौ । स्तोमौ  
 । प्रातस्सवनमिति प्रातः - सवनम् । वहतः । यथा । प्राण इति प्र - अनः । च । अपान  
 इत्यप - अनः । च । द्वौ । माद्व्यन्दिनम् । सवनम् । यथा । चक्षुः । च । श्रोत्रम् । च  
 । द्वौ । तृतीयसवनमिति तृतीय - सवनम् । यथा । वाक् । च । प्रतिष्ठेति प्रति - स्था । च  
 । पुरुषसंमित इति पुरुष - सम्मितः । वै । एषः । यज्ञः । अस्थूरिः ।

## TS 7.1.1.2

### TS 7.1.1.2

#### Samhita Paata

यं कामं कामयंते तमेतेनाभ्यश्नुते सर्वं ह्यस्थूरिणाऽभ्यश्नुते ऽग्निष्टोमेन वै प्रजापतिः प्रजा असृजत्  
ता अग्निष्टोमेनैव पर्यगृह्णात् तासां परिगृहीताना-मश्वतरोऽत्यप्रवत् तस्यानुहायरेत् आऽदत्त तद्-  
गर्दभे न्यमार्त् तस्माद्-गर्दभो द्विरेता अथो आहुर्वडबायां न्यमार्दिति तस्माद्-वडबा द्विरेता अथो  
आहुरोषधीषु - [ ]

#### Pada Paata

यम् । कामम् । कामयंते । तम् । एतेन । अभीति । अश्नुते । सर्वम् । हि । अस्थूरिणा  
। अभ्यश्नुत इत्यभि - अश्नुते । अग्निष्टोमेनेत्यग्नि - स्तोमेन । वै । प्रजापतिरिति प्रजा - पतिः  
। प्रजा इति प्र-जाः । असृजत् । ताः । अग्निष्टोमेनेत्यग्नि-स्तोमेन । एव । परीति । अगृह्णात्  
। तासाम् । परिगृहीतानामिति परि - गृहीतानाम् । अश्वतरः । अतीति । अप्रवत् । तस्य  
। अनुहायेत्यनु - हायं । रेतः । एति । अदत्त । तत् । गर्दभे । नीति । अमार्त् ।  
तस्मात् । गर्दभः । द्विरेता इति द्वि - रेतः । अथो इति । आहुः । वडबायाम् । नीति ।  
अमार्त् । इति । तस्मात् । वडबा । द्विरेता इति द्वि - रेतः । अथो इति । आहुः । ओषधीषु ।

## TS 7.1.1.3

### TS 7.1.1.3

#### Samhita Paata

न्यमा॒र्दिति॑ तस्मा॒दोष॑धयो ऽन॑भ्यक्ता रेभ॒न्त्यथो॑ आहुः प्र॒जासु॑ न्यमा॒र्दिति॑ तस्मा॑द्-य॒मौ जा॑येते  
तस्मा॑द॒श्वत॑रो न प्र जा॑यत आ॒त्तरे॑ता हि तस्मा॑द् ब॒रुहि॑ष्यन॑व॒क्वृप्तः॑ सर्व॑वेद॒से वा॑ स॒हस्रे॑ वाऽव॑  
क्वृप्तोऽति॑ ह्यप्र॑वत् य ए॒वं वि॒द्वान॑ग्नि॒ष्टोमे॑न॒ यज॑ते प्राजा॑ताः प्र॒जा ज॒नय॑ति परि॒ प्रजा॑ता गृ॒ह्णाति॑  
तस्मा॑दाहु॒र्ज्येष्ठ॑यज्ञ इति - [ ]

#### Pada Paata

नीति॑ । अ॒मा॒र्द॒ । इति॑ । तस्मा॑त् । ओष॑धयः । अन॑भ्यक्ता इत्यन॑भि - अ॒क्ताः । रेभ॒न्ति ।  
अथो॑ इति॑ । आहुः । प्र॒जास्वि॑ति प्र - जासु॑ । नीति॑ । अ॒मा॒र्द॒ । इति॑ । तस्मा॑त् । य॒मौ  
। जा॑येते इति॑ । तस्मा॑त् । अ॒श्वत॑रः । न । प्रेति॑ । जा॑यते । आ॒त्तरे॑ता इत्या॒त्त - रे॒ताः ।  
हि । तस्मा॑त् । ब॒रुहि॑षि । अन॑व॒क्वृप्त इत्यन॑व - क्वृ॒प्तः । सर्व॑वेद॒स इति॑ सर्व॑-वेद॒से । वा॑ ।  
स॒हस्रे॑ । वा॑ । अव॑क्वृप्त इत्यव॑-क्वृ॒प्तः । अतीति॑ । हि । अप्र॑वत् । यः । ए॒वम् । वि॒द्वान् ।  
अ॒ग्नि॒ष्टोमे॑नेत्य॑ग्नि- स्तो॒मेन॑ । यज॑ते । प्रेति॑ । अजा॑ताः । प्र॒जा इति॑ प्र-जाः । ज॒नय॑ति । परीति॑  
। प्रजा॑ता इति प्र - जा॒ताः । गृ॒ह्णाति॑ । तस्मा॑त् । आहुः । ज्येष्ठ॑यज्ञ इति ज्येष्ठ - य॒ज्ञः । इति॑ ।



**TS 7.1.1.4****TS 7.1.1.4****Samhita Paata**

प्रजापतिर्वाव ज्येष्ठः स ह्येतेनाग्रेऽयं जत प्रजापतिरकामयत् प्र जायेयेति स मुखतस्त्रिवृतं निरमिमीत्  
 तमग्निदेवता ऽन्वसृज्यत गायत्री छन्दो रथन्तरः५ सामं ब्राह्मणो मनुष्याणामजः पशूनां तस्मात् ते  
 मुख्या मुखतो ह्यसृज्यन्तो रंसो बाहुभ्यां पञ्चदशं निरमिमीत् तमिन्द्रो देवता ऽन्वसृज्यत त्रिष्टुप् छन्दो  
 बृहत् - [ ]

**Pada Paata**

प्रजापतिरिति प्रजा - पतिः । वाव । ज्येष्ठः । सः । हि । एतेन । अग्रे । अयं जत ।  
 प्रजापतिरिति प्रजा - पतिः । अकामयत् । प्रेति । जायेय । इति । सः । मुखतः । त्रिवृतमिति  
 त्रि - वृतम् । निरिति । अमिमीत् । तम् । अग्निः । देवता । अन्विति । असृज्यत् । गायत्री  
 । छन्दः । रथन्तरमिति रथ - तरम् । सामं । ब्राह्मणः । मनुष्याणाम् । अजः । पशूनाम् ।  
 तस्मात् । ते । मुख्याः । मुखतः । हि । असृज्यन्त । उरंसः । बाहुभ्यामिति बाहु - भ्याम्  
 । पञ्चदशमिति पञ्च - दशम् । निरिति । अमिमीत् । तम् । इन्द्रः । देवता । अन्विति ।  
 असृज्यत् । त्रिष्टुप् । छन्दः । बृहत् ।

## TS 7.1.1.5

### TS 7.1.1.5

#### Samhita Paata

सामं राज॒न्यो॑ म॒नुष्या॑णा॒मविः॑ प॒शूनां॑ तस्मा॒त् ते वी॒र्या॑वन्तो वी॒र्या॑द्व्यसृ॒ज्यन्त॑ म॒द्व्यतः॑ स॒प्तद॑शं  
नि॒र॒मिमी॑त् तं वि॒श्वे दे॒वा दे॒वता॑ अ॒न्व॒सृ॒ज्यन्त॑ जग॑ती छ॒न्दो वै रू॒पः साम॑ वैश्यो म॒नुष्या॑णां  
गावः॑ प॒शूनां॑ तस्मा॒त् त आ॒द्या अ॒न्न॒धाना॑द्व्य सृ॒ज्यन्त॑ तस्मा॒द्-भू॒याःसो॑ ऽन्येभ्यो भूयि॑ष्ठा हि दे॒वता॑  
अ॒न्व॒सृ॒ज्यन्त॑ प॒त्त ए॒कवि॑ः शं नि॒र॒मिमी॑त् तम॑नुष्टुप् छ॒न्दो - [ ]

#### Pada Paata

सामं । राज॒न्यः । म॒नुष्या॑णाम् । अ॒विः । प॒शूनाम् । तस्मा॑त् । ते । वी॒र्या॑वन्त॒ इति॑ वी॒र्य  
- व॒न्तः । वी॒र्या॑त् । हि । अ॒सृ॒ज्यन्त॑ । म॒द्व्यतः॑ । स॒प्तद॑शमि॒ति सप्त॑ - द॒शम् । नि॒रि॒ति ।  
अ॒मिमी॑त् । तम् । वि॒श्वे । दे॒वाः । दे॒वताः॑ । अ॒न्वि॒ति । अ॒सृ॒ज्यन्त॑ । जग॑ती । छ॒न्दः ।  
वैरू॒पम् । सामं । वैश्यः॑ । म॒नुष्या॑णाम् । गावः॑ । प॒शूनाम् । तस्मा॑त् । ते । आ॒द्याः ।  
अ॒न्न॒धाना॑दि॒त्यन्न॑ - धाना॑त् । हि । अ॒सृ॒ज्यन्त॑ । तस्मा॑त् । भू॒याःसः॑ । अ॒न्येभ्यः॑ । भूयि॑ष्ठाः  
। हि । दे॒वताः॑ । अ॒न्वि॒ति । अ॒सृ॒ज्यन्त॑ । प॒त्तः । ए॒कवि॑ःशमि॒त्येक॑ - वि॒शम् । नि॒रि॒ति ।  
अ॒मिमी॑त् । तम् । अ॒नुष्टु॒बित्य॑नु - स्तुप् । छ॒न्दः ।

## TS 7.1.1.6

### TS 7.1.1.6

#### Samhita Paata

ऽन्वसृज्यत वैराजः सामं शूद्रो मनुष्याणामश्वः पशूनां तस्मात् तौ भूतसं क्रामिणावश्वश्च शूद्रश्च  
तस्माच्छूद्रो यज्ञेऽनवकृत्सो न हि देवता अन्वसृज्यत तस्मात् पादावुपं जीवतः पुत्तो ह्यसृज्येतां प्राणा  
वै त्रिवृदूर्ध्वमासाः पञ्चदशः प्रजापतिः सप्तदशस्त्रयं इमे लोका असावादित्य एकविंश एतस्मिन् वा  
एते श्रिता एतस्मिन् प्रतिष्ठिता ( ) य एवं वेदैतस्मिन्नेव श्रयत एतस्मिन् प्रति तिष्ठति ॥

#### Pada Paata

अन्विति । असृज्यत् । वैराजम् । सामं । शूद्रः । मनुष्याणाम् । अश्वः । पशूनाम् । तस्मात्  
। तौ । भूतसङ्क्रामिणाविति भूत - सङ्क्रामिणौ । अश्वः । च । शूद्रः । च । तस्मात् । शूद्रः ।  
यज्ञे । अनवकृत्स इत्यनव - कृत्सः । न । हि । देवताः । अन्विति । असृज्यत । तस्मात् ।  
पादौ । उपेति । जीवतः । पुत्तः । हि । असृज्येताम् । प्राणा इति प्र - अनाः । वै । त्रिवृदिति  
त्रि - वृत् । अर्धमासा इत्यर्ध - मासाः । पञ्चदश इति पञ्च - दशः । प्रजापतिरिति प्रजा -  
पतिः । सप्तदश इति सप्त - दशः । त्रयः । इमे । लोकाः । असौ । आदित्यः । एकविंश  
इत्येक - विंशः । एतस्मिन् । वै । एते । श्रिताः । एतस्मिन् । प्रतिष्ठिता इति प्रति -  
स्थिताः ( ) । यः । एवम् । वेदै । एतस्मिन् । एव । श्रयते । एतस्मिन् । प्रतीति । तिष्ठति ॥

## TS 7.1.2.1

### TS 7.1.2.1

#### Samhita Paata

प्रा॒त॒स्स॒व॒ने वै गा॒य॒त्रेण॑ छ॒न्द॑सा त्रि॒वृ॒ते स्तोमा॑य॒ ज्योति॑र्दध॒देति॑ त्रि॒वृ॒तां ब्र॒ह्मव॑र्च॒सेन॑ प॒ञ्चदु॑शाय॒ ज्योति॑र्दध॒देति॑ प॒ञ्चदु॑शेनौज॒सा वी॒र्ये॑ण स॒प्तदु॑शाय॒ ज्योति॑र्दध॒देति॑ स॒प्तदु॑शेन॑ प्रा॒जाप॑त्येन॒ प्र॒जन॑नेनैकवि॒शाय॑ ज्योति॑र्दध॒देति॑ स्तोमं॑ ए॒व तथ् स्तोमा॑य॒ ज्योति॑र्दध॒देत्यथो॑ स्तोमं॑ ए॒व स्तोमं॑म॒भि प्र ण॑यति॒ याव॑न्तो॒ वै स्तोमा॑स्ताव॒न्तोः कामा॑स्ताव॒न्तो लो॒का ( ) -स्ताव॑न्ति॒ ज्योती॑श्च्येताव॒न्त ए॒व स्तोमा॑नेताव॒न्तः कामा॑नेताव॒न्तो लो॒काने॑ताव॒न्ति ज्योती॑श्च्ये॒व रु॒न्धे ॥

#### Pada Paata

प्रा॒त॒स्स॒व॒न इति॑ प्रा॒तः - स॒व॒ने । वै । गा॒य॒त्रेण॑ । छ॒न्द॑सा । त्रि॒वृ॒त इति॑ त्रि - वृ॒ते । स्तोमा॑य । ज्योति॑ः । दध॑त् । ए॒ति । त्रि॒वृ॒तेति॑ त्रि - वृ॒तां । ब्र॒ह्मव॑र्च॒सेनेति॑ ब्र॒ह्म - वर्च॑सेन॒ । प॒ञ्चदु॑शायेति॑ प॒ञ्च - दु॑शाय॒ । ज्योति॑ः । दध॑त् । ए॒ति । प॒ञ्चदु॑शेनेति॑ प॒ञ्च-दु॑शेन॒ । ओज॑सा । वी॒र्ये॑ण । स॒प्तदु॑शायेति॑ स॒प्त - दु॑शाय॒ । ज्योति॑ः । दध॑त् । ए॒ति । स॒प्तदु॑शेनेति॑ स॒प्त - दु॑शेन॒ । प्रा॒जाप॑त्येनेति॑ प्रा॒जा - प॑त्येन॒ । प्र॒जन॑नेनेति॑ प्र - ज॒न॑नेन॒ । ए॒कवि॒शाय॑त्ये॒क - वि॒शाय॑ । ज्योति॑ः । दध॑त् । ए॒ति । स्तोमं॑ः । ए॒व । तत् । स्तोमा॑य । ज्योति॑ः । दध॑त् । ए॒ति । अथो॑ इति॑ । स्तोमै॑ । ए॒व । स्तोमं॑म् । अ॒भि । प्रेति॑ । न॒यति॑ । याव॑न्तः । वै । स्तोमाः॑ । ताव॑न्तः । कामाः॑ । ताव॑न्तः । लो॒काः ( ) । ताव॑न्ति । ज्योती॑श्चि । ए॒ताव॑न्तः । ए॒व । स्तोमा॑न् । ए॒ताव॑न्तः । कामा॑न् । ए॒ताव॑न्तः । लो॒कान् । ए॒ताव॑न्ति । ज्योती॑श्चि । अवेति॑ । रु॒न्धे ॥

## TS 7.1.3.1

### TS 7.1.3.1

#### Samhita Paata

ब्रह्मवादिनो वदन्ति स त्वै यजेत् योऽग्निष्टोमेन यजमानोऽथ सर्वस्तोमेन यजेतेति यस्य त्रिवृतमन्तर्यन्ति प्राणाश्च-स्तस्यान्तर्यन्ति प्राणेषु मेऽप्यसदिति खलु वै यज्ञेन यजमानो यजते यस्य पञ्चदशमन्तर्यन्ति वीर्यं तस्यान्तर्यन्ति वीर्ये मेऽप्यसदिति खलु वै यज्ञेन यजमानो यजते यस्य सप्तदश-मन्तर्यन्ति - [ ]

#### Pada Paata

ब्रह्मवादिन इति ब्रह्म - वादिनः । वदन्ति । सः । तु । वै । यजेत् । यः । अग्निष्टोमेनेत्यग्नि - स्तोमेन । यजमानः । अथ । सर्वस्तोमेनेति सर्व - स्तोमेन । यजेत । इति । यस्य । त्रिवृतमिति त्रि - वृतम् । अन्तर्यन्तीत्यन्तः-यन्ति । प्राणानिति प्र - अनान् । तस्य । अन्तः । यन्ति । प्राणेष्विति प्र - अनेषु । मे । अपीति । असत् । इति । खलु । वै । यज्ञेन । यजमानः । यजते । यस्य । पञ्चदशमिति पञ्च - दशम् । अन्तर्यन्तीत्यन्तः - यन्ति । वीर्यम् । तस्य । अन्तः । यन्ति । वीर्ये । मे । अपीति । असत् । इति । खलु । वै । यज्ञेन । यजमानः । यजते । यस्य । सप्तदशमिति सप्त - दशम् । अन्तर्यन्तीत्यन्तः - यन्ति ।

## TS 7.1.3.2

### TS 7.1.3.2

#### Samhita Paata

प्रजां तस्यान्तर्यन्ति प्रजायां मेऽप्यसदिति खलु वै यज्ञेन यजमानो यजते यस्यैकविंशमन्तर्यन्ति  
 प्रतिष्ठां तस्यान्तर्यन्ति प्रतिष्ठायां मेऽप्यसदिति खलु वै यज्ञेन यजमानो यजते यस्य त्रिणवमन्तर्यन्त्यृतूश्च  
 तस्य नक्षत्रियां च विराजमन्तर्यन्त्यृतुषु मेऽप्यसन्नक्षत्रियायां च विराजीति - [ ]

### Pada Paata

प्रजामिति प्र - जाम् । तस्य । अन्तः । यन्ति । प्रजायामिति प्र - जायाम् । मे । अपीति  
 । असत् । इति । खलु । वै । यज्ञेन । यजमानः । यजते । यस्य । एकविंशमित्येक  
 - विंशम् । अन्तर्यन्तित्यन्तः - यन्ति । प्रतिष्ठामिति प्रति - स्थाम् । तस्य । अन्तः  
 । यन्ति । प्रतिष्ठायामिति प्रति - स्थायाम् । मे । अपीति । असत् । इति । खलु ।  
 वै । यज्ञेन । यजमानः । यजते । यस्य । त्रिणवमिति त्रि - नवम् । अन्तर्यन्तित्यन्तः  
 - यन्ति । ऋतून् । च । तस्य । नक्षत्रियाम् । च । विराजमिति वि-राजम् । अन्तः ।  
 यन्ति । ऋतुषु । मे । अपीति । असत् । नक्षत्रियायाम् । च । विराजीति वि - राजि । इति ।

## TS 7.1.3.3

### TS 7.1.3.3

#### Samhita Paata

खलु वै यज्ञेन यजमानो यजते यस्य त्रयस्त्रिंशमन्तर्यन्ति देवतास्तस्यान्तर्यन्ति देवतासु मेऽप्यसदिति  
 खलु वै यज्ञेन यजमानो यजते यो वै स्तोमानामवमं परमतां गच्छन्तं वेदं परमतामेव गच्छति  
 त्रिवृद्वै स्तोमानामवमस्त्रिवृत् परमो य एवं वेदं परमतामेव गच्छति ॥

**Pada Paata**

खलु । वै । यज्ञेन । यजमानः । यजते । यस्य । त्रयस्त्रिंशमिति त्रयः - त्रिंशम् ।  
 अन्तर्यन्तित्यन्तः - यन्ति । देवताः । तस्य । अन्तः । यन्ति । देवतासु । मे । अपीति  
 । असत् । इति । खलु । वै । यज्ञेन । यजमानः । यजते । यः । वै । स्तोमानाम् ।  
 अवमम् । परमताम् । गच्छन्तम् । वेद । परमताम् । एव । गच्छति । त्रिवृदिति त्रि -  
 वृत् । वै । स्तोमानाम् । अवमः । त्रिवृदिति त्रि - वृत् । परमः । यः । एवम् । वेद ।  
 परमताम् । एव । गच्छति ॥

**TS 7.1.4.1****TS 7.1.4.1****Samhita Paata**

अङ्गिरसो वै सत्रमासत् ते सुवर्गं लोकमायन् तेषां हविष्मांश्च हविष्कृच्चाऽहीयेतां तावकामयेताः  
 सुवर्गं लोकमियावेति तावेतं द्विरात्रमपश्यतां तमाऽहरतां तेनायजेतां ततो वै तौ सुवर्गं लोकमैतां य  
 एवं विद्वान् द्विरात्रेण यजते सुवर्गमेव लोकमेति तावेतां पूर्वेणाह्वाऽगच्छतामुत्तरेणा - [ ]

**Pada Paata**

अङ्गिरसः । वै । सत्रम् । आसत् । ते । सुवर्गमिति सुवः - गम् । लोकम् । आयन् ।  
 तेषाम् । हविष्मान् । च । हविष्कृदिति हविः - कृत् । च । अहीयेताम् । तौ । अकामयेताम्

। सुव॒र्गमि॑ति॒ सुवः॑ - गम् । लो॒कम् । इ॒याव॑ । इति॑ । तौ । ए॒तम् । द्वि॒रात्र॑मि॒ति॒ द्वि -  
रा॒त्रम् । अ॒प॒श्य॑ता॒म् । तम् । ए॒ति॑ । अ॒ह॒र॒ता॒म् । तेन॑ । अ॒य॒जे॒ता॒म् । ततः॑ । वै । तौ ।  
सुव॒र्गमि॑ति॒ सुवः॑ - गम् । लो॒कम् । ऐ॒ता॒म् । यः । ए॒वम् । वि॒द्वान् । द्वि॒रात्रे॑णेति॒ द्वि - रा॒त्रेण॑  
। यज॑न्ते । सुव॒र्गमि॑ति॒ सुवः॑ - गम् । ए॒व । लो॒कम् । ए॒ति॑ । तौ । ऐ॒ता॒म् । पूर्वे॑ण । अ॒ह्ना॑  
। अग॑च्छता॒म् । उत्त॑रेणे॒त्युत् - त॒रेण॑ ।

## TS 7.1.4.2

### TS 7.1.4.2

#### Samhita Paata

-भि॒प्लुवः॑ पूर्व॑मह॑र्भवति॒ गति॑रु॒त्तरं॑ ज्योति॑ष्ठोमोऽग्नि॑ष्ठोमः॒ पूर्व॑मह॑र्भवति॒ तेज॑स्तेना॒व॑ रु॒न्धे॑ सर्व॑स्तोमोऽति॑रा॒त्र  
उत्त॑रः॒ सर्व॑स्याऽऽ\*प्त्यै॒ सर्व॑स्याऽव॑रु॒द्ध्यै॒ गाय॑त्रं॒ पूर्व॑ऽह॒न्त्साम॑ भवति॒ तेजो॑ वै गा॒य॒त्री गा॑य॒त्री  
ब्र॑ह्मव॒र्चसं॑ तेज॑ ए॒व ब्र॑ह्मव॒र्चस॑मा॒त्मन् ध॑त्ते त्रै॒ष्टुभ॑मु॒त्तरं॑ ओजो॑ वै वी॒र्यं॑ त्रि॒ष्टुगो॑ज॒ ए॒व वी॒र्य॑मा॒त्मन् ध॑त्ते  
रथ॑न्तरं॒ पूर्वे॑ - [ ]

#### Pada Paata

अ॒भि॒प्लु॒व इत्य॑भि - प्लु॒वः । पूर्व॑म् । अ॒हः । भ॒व॒ति॒ । गति॑ः । उत्त॑र॒मित्यु॑त् - त॒रम् । ज्योति॑ष्ठोम॒  
इति॑ ज्योति॑ - स्तो॒मः । अ॒ग्नि॑ष्ठोम इत्य॑ग्नि॒-स्तो॒मः । पूर्व॑म् । अ॒हः । भ॒व॒ति॒ । तेजः॑ । तेन॑ ।  
अवे॑ति॒ । रु॒न्धे॑ । सर्व॑स्तोम॒ इति॑ सर्व॑-स्तो॒मः । अ॒ति॒रा॒त्र इत्य॑ति॒-रा॒त्रः । उत्त॑र॒मित्यु॑त् - त॒रम्  
। सर्व॑स्य । आ॒प्त्यै॑ । सर्व॑स्य । अ॒व॑रु॒द्ध्या इत्य॑व॒ - रु॒द्ध्यै॑ । गा॒य॒त्रम् । पूर्व॑म् । अ॒ह॒न् । साम॑



। भवति । तेजः । वै । गायत्री । गायत्री । ब्रह्मवर्चसमिति ब्रह्म - वर्चसम् । तेजः । एव ।  
 ब्रह्मवर्चसमिति ब्रह्म - वर्चसम् । आत्मन् । धत्ते । त्रैष्टुभम् । उत्तर इत्युत् - तरे । ओजः । वै ।  
 वीर्यम् । त्रिष्टुक् । ओजः । एव । वीर्यम् । आत्मन् । धत्ते । रथन्तरमिति रथं - तरम् । पूर्वं ।

## TS 7.1.4.3

### TS 7.1.4.3

#### Samhita Paata

ऽहन्थ सामं भवतीयं वै रथन्तरमस्यामेव प्रति तिष्ठति बृहदुत्तरेऽसौ वै बृहदमुष्यामेव प्रति तिष्ठति  
 तदाहुः कं जगती चाऽनुष्टुप् चेति वैखानसं पूर्वेऽहन्थ सामं भवति तेन जगत्यै नैति षोडशुत्तरे  
 तेनानुष्टुभोऽथा ऽऽ\*हुर्यथ समानेऽर्द्धमासे स्यातामन्यतरस्याहो वीर्यमनु ( ) पद्येतेत्यं-मावास्यायां  
 पूर्वमहर्भवत्युत्तरस्मिन्नुत्तरं नानैवा ऽर्द्धमासयोर्भवतो नानावीर्यं भवतो हविष्मन्निधनं पूर्वमहर्भवति  
 हविष्कृन्निधनमुत्तरं प्रतिष्ठित्यै ॥

#### Pada Paata

अहन् । सामं । भवति । इयम् । वै । रथन्तरमिति रथं - तरम् । अस्याम् । एव । प्रतीतिं  
 । तिष्ठति । बृहत् । उत्तर इत्युत् - तरे । असौ । वै । बृहत् । अमुष्याम् । एव । प्रतीतिं  
 । तिष्ठति । तत् । आहुः । कं । जगती । च । अनुष्टुबित्यनु - स्तुप् । च । इति ।  
 वैखानसम् । पूर्वं । अहन् । सामं । भवति । तेन । जगत्यै । न । एति । षोडशि । उत्तर  
 इत्युत् - तरे । तेन । अनुष्टुभ इत्यनु - स्तुभः । अथ । आहुः । यत् । समाने । अर्द्धमास

इत्य॑र्ध - मा॒से । स्याता॑म् । अ॒न्य॒त॒र॒स्य॑ । अ॒हः॑ । वी॒र्य॑म् । अ॒न्वि॒ति॑ ( ) । प॒द्ये॒त् । इति॑  
 । अ॒मा॒वा॒स्या॒या॒मि॒त्य॑मा - वा॒स्या॒या॒म् । पू॒र्व॑म् । अ॒हः॑ । भ॒व॒ति॑ । उ॒त्त॑र॒स्मि॒न्नित्यु॑त् - त॒र॒स्मि॒न्  
 । उ॒त्त॑र॒मि॒त्यु॑त् - त॒र॒म् । ना॒ना॑ । ए॒व । अ॒र्ध॒मा॒स॒यो॒रि॒त्य॑र्ध - मा॒स॒योः॑ । भ॒व॒तः॑ । ना॒ना॒वी॒र्ये॑  
 इति॑ ना॒ना॑ - वी॒र्ये॑ । भ॒व॒तः॑ । ह॒वि॒ष्म॒न्नि॒ध॒न॒मि॒ति॑ ह॒वि॒ष्म॒न् - नि॒ध॒न॒म् । पू॒र्व॑म् । अ॒हः॑ । भ॒व॒ति॑ ।  
 ह॒वि॒ष्कृ॒न्नि॒ध॒न॒मि॒ति॑ ह॒वि॒ष्कृ॒त् - नि॒ध॒न॒म् । उ॒त्त॑र॒मि॒त्यु॑त् - त॒र॒म् । प्र॒ति॒ष्ठि॒त्या॒ इति॑ प्र॒ति॑ - स्मि॒त्यै ॥

## TS 7.1.5.1

### TS 7.1.5.1

#### Samhita Paata

आपो॑ वा इ॒दम॑ग्रे॑ स॒लिल॑मा॒सीत् तस्मि॑न् प्र॒जाप॑ति॒र्वा॒युर्भू॑त्वा ऽच॑र॒थ स इ॒माम॑प॒श्यत् तां व॑रा॒हो  
 भू॒त्वाऽह॑र॒त् तां वि॑श्वक॑र्मा भू॒त्वा व्य॑मा॒द्रथ॑ साऽप्र॑थत् सा पृ॒थि॒व्य॑भवत् तत् पृ॒थि॒व्यै पृ॒थि॒वित्वं॑  
 तस्या॑म॒श्राम्य॑त् प्र॒जाप॑तिः स दे॒वान॑सृज॒त् वसू॑न् रु॒द्राना॑दि॒त्यान् ते दे॒वाः प्र॒जाप॑तिम॒ब्रुव॑न् प्रजा॑यामहा  
 इति॑ सोऽब्र॑वीद् - [ ]

#### Pada Paata

आपः॑ । वै । इ॒दम् । अ॒ग्रे॑ । स॒लिल॑म् । आ॒सीत् । तस्मि॑न् । प्र॒जाप॑तिरिति॑ प्र॒जा - प॒तिः ।  
 वा॒युः । भू॒त्वा । अ॒च॒र॒त् । सः । इ॒माम् । अ॒प॒श्यत् । ताम् । व॒रा॒हः । भू॒त्वा । ए॒ति॑ ।  
 अ॒ह॒र॒त् । ताम् । वि॑श्वक॑र्मेति॑ वि॒श्व-क॑र्मा । भू॒त्वा । वी॒ति॑ । अ॒मा॒द्र॒त् । सा । अ॒प्र॒थ॒त् । सा ।  
 पृ॒थि॒वी । अ॒भ॒व॒त् । तत् । पृ॒थि॒व्यै । पृ॒थि॒वित्व॑मिति॑ पृ॒थि॒वि - त्वम् । तस्या॑म् । अ॒श्राम्य॑त्

। प्रजापतिरिति प्रजा-पतिः । सः । देवान् । असृजत् । वसून् । रुद्रान् । आदित्यान् । ते । देवाः । प्रजापतिमिति प्रजा - पतिम् । अब्रुवन् । प्रेति । जायामहे । इति । सः । अब्रवीत् ।

## TS 7.1.5.2

### TS 7.1.5.2

#### Samhita Paata

-यथाऽहं युष्मास्तपसा ऽसृक्ष्येवं तपसि प्रजनन-मिच्छद्धमिति तेभ्योऽग्निमायतनं प्राऽयच्छदेतेनाऽऽयतनेन श्राम्यतेति तेऽग्निनाऽऽयतनेनाऽ-श्राम्यन् ते संवत्सर एकां गामसृजन्त तां वसुभ्यो रुद्रेभ्य आदित्येभ्यः प्राऽयच्छन्नेतां रक्षद्धमिति तां वसवो रुद्रा आदित्या अरक्षन्त सा वसुभ्यो रुद्रेभ्य आदित्येभ्यः प्राजायतत्रीणि च - [ ]

#### Pada Paata

यथा । अहम् । युष्मान् । तपसा । असृक्षि । एवम् । तपसि । प्रजननमिति प्र - जननम् । इच्छद्धम् । इति । तेभ्यः । अग्निम् । आयतनमित्या - यतनम् । प्रेति । अयच्छत् । एतेन । आयतनेनेत्या - यतनेन । श्राम्यत् । इति । ते । अग्निना । आयतनेनेत्या - यतनेन । अश्राम्यन् । ते । संवत्सर इति सं - वत्सरे । एकां । गाम् । असृजन्त । ताम् । वसुभ्य इति वसु - भ्यः । रुद्रेभ्यः । आदित्येभ्यः । प्रेति । अयच्छन् । एताम् । रक्षद्धम् । इति । ताम् । वसवः । रुद्राः । आदित्याः । अरक्षन्त । सा । वसुभ्य इति वसु - भ्यः । रुद्रेभ्यः । आदित्येभ्यः । प्रेति । अजायत् । त्रीणि । च ।

## TS 7.1.5.3

### TS 7.1.5.3

#### Samhita Paata

श॒तानि॑ त्रय॑स्त्रिंश॒तं चाथ॑ सैव स॒हस्र॑त॒म्यभ॑वत् ते दे॒वाः प्र॒जाप॑तिम॒ब्रुव॑न्त् स॒हस्रे॑ण नो याज॒येति॑  
सोऽग्नि॑ष्टोमे॒न वसू॑नयाजयत् त इ॒मं लो॒कम॑जयन् तच्चा॑ददुः स उ॒क्थ्ये॑न रु॒द्रान॑याजयत् तेऽन्त॑रि॒क्षम॑जयन्  
तच्चा॑ददुः सोऽति॑रा॒त्रेणा॑ऽऽदि॒त्यान॑याजयत् तेऽमु॑ं लो॒कम॑जयन् तच्चा॑ददु -स्तद॒न्तरि॑क्षं - [ ]

#### Pada Paata

श॒तानि॑ । त्रय॑स्त्रिंश॒तमि॑ति त्रयः - त्रिंश॒तम् । च॒ । अथ॑ । सा । ए॒व । स॒हस्र॑त॒मीति॑ सहस्र  
- त॒मी । अ॒भ॒वत् । ते । दे॒वाः । प्र॒जाप॑तिमि॒ति प्र॒जा - प॒तिम् । अ॒ब्रुव॑न् । स॒हस्रे॑ण । नः  
। या॒ज॒य॒ । इति॑ । सः । अ॒ग्नि॑ष्टोमे॒नेत्य॑ग्नि-स्तो॒मेन॑ । वसू॑न् । अ॒या॒ज॒यत् । ते । इ॒मम् ।  
लो॒कम् । अ॒ज॒य॒न् । तत् । च॒ । अ॒द॒दुः । सः । उ॒क्थ्ये॑न । रु॒द्रान् । अ॒या॒ज॒यत् । ते ।  
अ॒न्त॑रि॒क्षम् । अ॒ज॒य॒न् । तत् । च॒ । अ॒द॒दुः । सः । अ॒ति॑रा॒त्रेणे॒त्यति॑ - रा॒त्रेण॑ । आ॒दि॒त्यान्  
। अ॒या॒ज॒यत् । ते । अ॒मुम् । लो॒कम् । अ॒ज॒य॒न् । तत् । च॒ । अ॒द॒दुः । तत् । अ॒न्त॑रि॒क्षम् ।

## TS 7.1.5.4

### TS 7.1.5.4

#### Samhita Paata

व्यवैर्यत॑ तस्मा॑द्-रु॒द्रा घातु॑का अनाय॑तना हि तस्मा॑दाहुः शिथि॑लं वै म॒द्ध्य॑म-मह॑स्त्रिरा॒त्रस्य॑ वि हि  
तद्वैर्य॑तेति॒ त्रैष्टु॑भं म॒द्ध्य॑मस्याह् आ॒ज्यं भव॑ति सँयाना॑नि सू॒क्तानि॑ श॒सति॑ षोड॒शिन॑श् श॒सत्य॑हो  
धृ॒त्या अशि॑थिल॒भावाय॑ तस्मा॑त् त्रिरा॒त्रस्या॑ग्नि॒ष्टोम॑ ए॒व प्रथ॑ममहः स्या॒दथो॒क्थ्यो ऽथा॑ऽतिरा॒त्र ए॒षां  
लो॒कानां॑ विधृ॑त्यै त्रीणि॒त्रीणि॑ श॒ता-न्य॑नूचीना॒ह-मव्य॑वच्छिन्नानि ददा - [ ]

### Pada Paata

व्यवैर्य॑तेति॒ वि - अवैर्य॑त । तस्मा॑त् । रु॒द्राः । घातु॑काः । अ॒ना॒य॒त॒ना इत्य॑ना - य॒त॒नाः । हि  
। तस्मा॑त् । आ॒हुः । शिथि॑लम् । वै । म॒द्ध्य॑मम् । अहः॑ । त्रिरा॒त्रस्येति॑ त्रि - रा॒त्रस्य॑ ।  
वीति॑ । हि । तत् । अ॒वैर्य॑तेत्य॑व - ऐर्य॑त । इति॑ । त्रैष्टु॑भम् । म॒द्ध्य॑मस्य॑ । अहः॑ । आ॒ज्यम्  
। भव॑ति । सँयाना॑निति॒ सम् - याना॑नि । सू॒क्तानीति॑ सु - उ॒क्तानि॑ । श॒स॒ति॒ । षोड॒शिन॑म् ।  
श॒स॒ति॒ । अहः॑ । धृ॒त्यै । अशि॑थिल॒म्भावा॒येत्य॑शिथिलं - भा॒वाय॑ । तस्मा॑त् । त्रिरा॒त्रस्येति॑  
त्रि - रा॒त्रस्य॑ । अ॒ग्नि॒ष्टोम॑ इत्य॑ग्नि - स्तो॒मः । ए॒व । प्रथ॑मम् । अहः॑ । स्या॒त् । अथ॑ ।  
उ॒क्थ्यः । अथ॑ । अ॒तिरा॒त्र इत्य॑ति - रा॒त्रः । ए॒षाम् । लो॒काना॑म् । विधृ॑त्या इति॒ वि - धृ॑त्यै ।  
त्रीणि॒त्रीणीति॑ त्रीणि - त्रीणि॑ । श॒तानि॑ । अ॒नूची॑ना॒हमित्य॑नूचीन - अ॒हम् । अव्य॑वच्छिन्नानि॒त्यवि॑  
- अव॑च्छिन्नानि । ददा॑ति ।

## TS 7.1.5.5

### TS 7.1.5.5

### Samhita Paata

-त्येषां लो॒काना॑मनु सन्त॑त्यै दु॒शत॑ं न वि॒च्छि॑न्धाद्-वि॒राजं॑ ने॒द्वि॑च्छि॒नदा॑नीत्यथ॒ या स॑हस्र॒त॒म्यासी॑त्  
तस्या॑मिन्द्र॑श्च विष्णु॑श्च व्याय॑च्छेताः स इन्द्रो॑ऽमन्य॒तान॑या वा इ॒दं वि॑ष्णुः स॒हस्रं॑ व॒क्ष्य॑त् इति  
तस्या॑मक॒ल्पेतां॑ द्विभा॒ग इन्द्र॑स्तृतीये विष्णु॑स्तद्वा ए॒षाऽभ्य॑नूच्यत उ॒भा जि॑ग्यथुरिति तां॑ वा ए॒ताम॑च्छावा॒क  
- [ ]

### Pada Paata

ए॒षाम् । लो॒काना॑म् । अ॒न्विति॑ । सन्त॑त्या इति सं - त॒त्यै । दु॒शत॑म् । न । वी॒ति । छि॒न्धात्  
। वि॒राज॑मिति वि - राज॑म् । न । इत् । वि॒च्छि॑नदा॒नीति॑ वि - छि॒नदा॑नि । इति॑ । अथ॑ ।  
या । स॒हस्र॑त॒मीति॑ सहस्र - त॒मी । आसी॑त् । तस्या॑म् । इन्द्रः॑ । च॒ । विष्णुः॑ । च॒ ।  
व्याय॑च्छेता॒मिति॑ वि - आय॑च्छेताम् । सः । इन्द्रः॑ । अ॒मन्य॑त् । अ॒नया॑ । वै । इ॒दम् ।  
विष्णुः॑ । स॒हस्र॑म् । व॒क्ष्य॑ते । इति॑ । तस्या॑म् । अ॒क॒ल्पेता॑म् । द्विभा॒ग इति॑ द्वि - भा॒गे ।  
इन्द्रः॑ । तृतीये॑ । विष्णुः॑ । तत् । वै । ए॒षा । अ॒भ्यनू॑च्यत् इत्य॑भि-अ॒नूच्य॑ते । उ॒भा ।  
जि॑ग्यथुः । इति॑ । ताम् । वै । ए॒ताम् । अ॒च्छावा॑कः ।

## TS 7.1.5.6

### TS 7.1.5.6

#### Samhita Paata

ए॒व श॑स्र॒त्यथ॑ या स॒हस्र॑त॒मी सा हो॒त्रे दे॒येति॑ हो॒तां वा॑ अ॒भ्यति॑रिच्यते यद॑तिरिच्यते होता  
ऽना॑प्तस्याऽऽ\*पयिता ऽथा॑ऽ\*हुरु॒न्नेत्रे॑ दे॒येत्यति॑रिक्ता वा ए॒षा स॒हस्र॑स्यातिरिक्त उ॒न्नेत॑त्विजाम॒थाऽऽ\*हुः  
सर्वे॑भ्यः स॒दस्ये॑भ्यो दे॒येत्यथा॑ऽऽहुरु॒दा कृ॒त्या सा व॑शं च॒रेदित्यथा॑ऽऽ\*हुर्ब्र॒ह्मणे॑ चा॒ग्नीधे॑ च॒ देयेति॑ - [ ]

**Pada Paata**

ए॒व । श॒स्स॒ति॒ । अथ॑ । या । स॒ह॒स्र॒त॒मी॒ति॒ सह॑स्र - त॒मी । सा । हो॒त्रे॑ । दे॒या॑ । इति॑ ।  
 हो॒ता॒र॒म् । वै । अ॒भ्य॒ति॒रि॒च्य॒त् इत्य॑भि-अ॒ति॒रि॒च्य॒ते । यत् । अ॒ति॒रि॒च्य॒त् इत्य॑ति - रि॒च्य॒ते ।  
 हो॒ता॑ । अ॒ना॒प्त॒स्य॑ । आ॒प॒यि॒ता । अथ॑ । आ॒हुः । उ॒न्ने॒त्र इत्यु॑त् - ने॒त्रे । दे॒या॑ । इति॑ ।  
 अ॒ति॒रि॒क्ते॒त्य॒ति॒ - रि॒क्त॒ । वै । ए॒षा । स॒ह॒स्र॑स्य । अ॒ति॒रि॒क्त॒ इत्य॑ति - रि॒क्तः । उ॒न्ने॒ते॒त्यु॑त् -  
 ने॒ता । ऋ॒त्वि॒जा॑म् । अथ॑ । आ॒हुः । स॒र्वे॒भ्यः॑ । स॒द॒स्ये॒भ्यः॑ । दे॒या॑ । इति॑ । अथ॑ । आ॒हुः  
 । उ॒दा॒कृ॒त्ये॒त्यु॑त् - आ॒कृ॒त्या॑ । सा । व॒श॑म् । च॒रे॒त् । इति॑ । अथ॑ । आ॒हुः । ब्र॒ह्म॑णे । च॒  
 । अ॒ग्नी॒ध॒ इत्य॑ग्नि - इ॒धे॑ । च॒ । दे॒या॑ । इति॑ ।

**TS 7.1.5.7****TS 7.1.5.7****Samhita Paata**

द्विभा॒गं ब्र॒ह्म॑णे तृ॒ती॒यम॒ग्नी॒धं ऐ॒न्द्रो वै ब्र॒ह्मा वैष्ण॑वोऽग्नी॒धथै॒व ताव॑क॒ल्पे॒ता॒मित्य॑थाऽऽ\*हु॒र्या क॑ल्या॒णी  
 ब॑हुरू॒पा सा दे॒येत्य॑थाऽऽ\*हु॒र्या द्वि॒रूपो॑भ॒यत॑ए॒नी सा दे॒येति॑ स॒ह॒स्र॑स्य॒ परि॑गृही॒त्यै तद्वा ए॒तथ॑  
 स॒ह॒स्र॑स्याऽय॑नः॒ स॒ह॒स्र॑ स्तो॒त्रीयाः॑ स॒ह॒स्रं दक्षि॑णाः स॒ह॒स्रं स॒म्मितः॑ सु॒व॒र्गो लो॒कः सु॒व॒र्गस्य॑ लो॒कस्या॒भिजि॑त्यै  
 ॥

**Pada Paata**

द्विभा॒गमि॒ति॒ द्वि - भा॒गम् । ब्र॒ह्मणै॑ । तृ॒तीयम् । अ॒ग्नीध॑ इत्य॒ग्नि- इधै॑ । ऐ॒न्द्रः । वै । ब्र॒ह्मा ।  
 वैष्ण॒वः । अ॒ग्नीदि॒त्य॒ग्नि-इत् । यथा॑ । ए॒व । तौ । अक॑ल्पेताम् । इति॑ । अथ॑ । आ॒हुः । या  
 । क॒ल्या॒णी । ब॒हुरू॒पेति॑ बहु - रू॒पा । सा । दे॒या॑ । इति॑ । अथ॑ । आ॒हुः । या । द्वि॒रू॒पेति॑  
 द्वि - रू॒पा । उ॒भय॑त॒एनी॒त्य॒भय॑तः - ए॒नी । सा । दे॒या॑ । इति॑ । स॒हस्र॑स्य । परि॑गृहीत्या॒ इति॑  
 परि॑-गृहीत्यै । तत् । वै । ए॒तत् । स॒हस्र॑स्य । अ॒य॒नम् । स॒हस्र॑म् । स्तो॒त्रीयाः॑ । स॒हस्र॑म् ।  
 दक्षि॑णाः । स॒हस्र॑संमि॒त॒ इति॑ स॒हस्र॑ - स॒मि॒तः । सु॒व॒र्ग इति॑ सु॒वः - गः । लो॒कः । सु॒व॒र्गस्येति॑  
 सु॒वः - ग॒स्य॑ । लो॒कस्य॑ । अ॒भिजि॑त्या॒ इत्य॒भि - जि॒त्यै ॥

## TS 7.1.6.1

### TS 7.1.6.1

#### Samhita Paata

सोमो॒ वै स॒हस्र॑मविन्दुत् तमिन्द्रो ऽन्वि॑न्दुत् तौ य॒मो न्याग॑च्छत् ताव॑ब्रवीदस्तु मेऽत्राऽपी॑त्यस्तु  
 ही(३) इत्य॑ब्रूताः स य॒म एक॑स्या॒वीर्यं॑ पर्य॑पश्यदियं॒ वा अ॒स्य स॒हस्र॑स्य वी॒र्यं॑ बिभ॑र्तीति ताव॑ब्रवीदियं  
 ममास्त्वे॒तद्-यु॒वयो॑रिति॒ ताव॑ब्रूताः सर्वे॑ वा ए॒तदे॒तस्या॒॑वीर्यं॑ - [ ]

#### Pada Paata

सोमः॑ । वै । स॒हस्र॑म् । अ॒वि॒न्दुत् । तम् । इन्द्रः॑ । अ॒न्वि॒ति॑ । अ॒न्वि॒न्दुत् । तौ । य॒मः ।  
 न्याग॑च्छदिति॒ नि - आग॑च्छत् । तौ । अ॒ब्र॒वीत् । अस्तु॑ । मे । अत्र॑ । अ॒पी॒ति॑ । इति॑ ।  
 अस्तु॑ । ही(३) । इति॑ । अ॒ब्रू॒ताम् । सः । य॒मः । एक॑स्याम् । वी॒र्य॑म् । परी॑ति । अ॒प॒श्यत् ।



इ॒यम् । वै । अ॒स्य । स॒हस्र॑स्य । वी॒र्य॑म् । बि॒भृ॒ति॑ । इति॑ । तौ । अ॒ब्र॒वीत् । इ॒यम् । म॒म॑ ।  
अस्तु॑ । ए॒तत् । यु॒वयोः॑ । इति॑ । तौ । अ॒ब्रू॒ताम् । स॒र्वे॑ । वै । ए॒तत् । ए॒तस्या॑म् । वी॒र्य॑म् ।

## TS 7.1.6.2

### TS 7.1.6.2

#### Samhita Paata

परि॑ प॒श्या॒मोऽ॒श्मा ह॑राम॒हा इति॑ तस्या॒म॒श्माऽ॒हर॑न्त॒ ताम॑प्सु प्रा॒ऽव॑ेशयन्त् सोमा॑यो॒देही॑ति॒ सा रोहि॑णी पि॒ङ्गल॑क॒हाय॑नी रू॒पं कृ॑त्वा त्रय॑स्त्रि॒शता॑ च त्रि॒भिश्च॑ श॒तैः स॒होदै॑त् तस्मा॒द्-रोहि॑ण्या पि॒ङ्गल॑यैक॒हाय॑न्या॒ सोमं॑ क्रीणीया॒द्य ए॒वं वि॒द्वान् रोहि॑ण्या पि॒ङ्गल॑यैक॒हाय॑न्या॒ सोमं॑ क्री॒णाति॑ त्रय॑स्त्रि॒शता॑ चै॒वास्य॑ त्रि॒भिश्च॑ - [ ]

#### Pada Paata

परी॑ति । प॒श्या॒मः । अ॒श्म॑म् । ए॒ति॑ । ह॒रा॒म॒है॑ । इति॑ । तस्या॑म् । अ॒श्म॑म् । ए॒ति॑ ।  
। अ॒ह॒र॒न्त॑ । ताम् । अ॒प्स्वि॒त्य॑प् - सु । प्रे॒ति॑ । अ॒व॑ेशयन् । सोमा॑य । उ॒दे॒ही॒त्यु॑त् -  
एहि॑ । इति॑ । सा । रोहि॑णी । पि॒ङ्ग॒ला॑ । ए॒क॒हा॒य॒नी॒त्ये॒कं - हा॒य॒नी॑ । रू॒प॑म् । कृ॑त्वा ।  
त्रय॑स्त्रि॒शते॑ति॒ त्रयः॑ - त्रि॒श॒ता॑ । च॒ । त्रि॒भि॒रि॒ति॑ त्रि - भिः । च॒ । श॒तैः॑ । स॒ह॑ । उ॒दै॒दि॒त्यु॑त्  
- ऐ॒त् । तस्मा॑त् । रोहि॑ण्या । पि॒ङ्ग॒ल॒या॑ । ए॒क॒हा॒य॒न्ये॒त्ये॒कं - हा॒य॒न्या॑ । सोम॑म् । क्री॒णी॒या॒त्  
। यः॑ । ए॒वम् । वि॒द्वान् । रोहि॑ण्या । पि॒ङ्ग॒ल॒या॑ । ए॒क॒हा॒य॒न्ये॒त्ये॒कं - हा॒य॒न्या॑ । सोम॑म् ।  
क्री॒णा॒ति॑ । त्रय॑स्त्रि॒शते॑ति॒ त्रयः॑ - त्रि॒श॒ता॑ । च॒ । ए॒व॑ । अ॒स्य॑ । त्रि॒भि॒रि॒ति॑ त्रि - भिः । च॒ ।

## TS 7.1.6.3

### TS 7.1.6.3

#### Samhita Paata

श॒तैः सोमः॑ क्री॒तो भ॑वति सु॒क्री॑तेन यज॒ते ताम॑प्सु प्रा॒वेश॑य-न्निन्द्रा॑यो॒देही॑ति सा रोहि॑णी लक्ष्म॒णा  
प॑ष्ठौही॒ वार्त्र॑घ्नी रू॒पं कृ॒त्वा त्रय॑स्त्रि॒ंश॒ता च त्रि॑भिश्च॒ श॒तैः सु॒होदै॑त् तस्मा॒द् रोहि॑णीं लक्ष्म॒णां प॑ष्ठौहीं  
वार्त्र॑घ्नीं दद्या॒द्य ए॒वं वि॒द्वान् रोहि॑णीं लक्ष्म॒णां प॑ष्ठौहीं वार्त्र॑घ्नीं ददा॑ति त्रय॑स्त्रि॒ंश॒च्चैवा॒स्य त्री॑णि च  
श॒तानि॑ सा द॒त्ता - [ ]

#### Pada Paata

श॒तैः । सोमः॑ । क्री॒तः । भ॑वति । सु॒क्री॑तेनेति सु-क्री॒तेन॑ । यज॒ते । ताम् । अ॒प्सि॒स्वत्य॑प् -  
सु । प्रेति॑ । अ॒वे॒श॒य॒न् । इन्द्रा॑य । उ॒दे॒ही॒त्यु॒त् - एहि॑ । इति॑ । सा । रोहि॑णी । लक्ष्म॒णा  
। प॑ष्ठौही । वार्त्र॑घ्नीति वार्त्र - घ्नी । रू॒पम् । कृ॒त्वा । त्रय॑स्त्रि॒ंश॒तेति॑ त्रयः - त्रि॒ंश॒ता । च॒  
। त्रि॒भि॒रिति॑ त्रि - भिः । च॒ । श॒तैः । सु॒ह । उ॒दै॒दित्यु॒त् - ऐत् । तस्मा॑त् । रोहि॑णीम्  
। लक्ष्म॒णाम् । प॑ष्ठौहीम् । वार्त्र॑घ्नीमिति वार्त्र - घ्नीम् । द॒द्यात् । यः । ए॒वम् । वि॒द्वान् ।  
रोहि॑णीम् । लक्ष्म॒णाम् । प॑ष्ठौहीम् । वार्त्र॑घ्नीमिति वार्त्र - घ्नीम् । ददा॑ति । त्रय॑स्त्रि॒ंश॒दिति॑ त्रयः  
- त्रि॒ंश॒त् । च॒ । ए॒व । अ॒स्य॒ । त्री॑णि । च॒ । श॒तानि॑ । सा । द॒त्ता ।

**TS 7.1.6.4****TS 7.1.6.4****Samhita Paata**

भ॒वति॑ ता॒म॒प्सु प्रा॒वेश॑यन् य॒मायो॑देहीति॒ सा ज॑र॒ती मू॒र्खा तं॑ज्जघ॒न्या रू॒पं कृ॒त्वा त्र॑य॒स्त्रिंश॑ता च  
त्रि॒भिश्च॑ श॒तैः स॒होदै॑त् तस्मा॒ज्ज॑र॒तीं मू॒र्खा तं॑ज्जघ॒न्या-म॑नु॒स्तर॑णीं कु॒र्वीत् य॒ एवं वि॒द्वान्ज॑र॒तीं मू॒र्खा  
तं॑ज्जघ॒न्या-म॑नु॒स्तर॑णीं कुरु॒ते त्र॑य॒स्त्रिंश॑च्चै॒वास्य॑ त्रीणि॑ च श॒तानि॑ साऽमु॒ष्मिँल्लो॒के भ॑वति॒ वागे॒व  
स॑हस्र॒तुमी॑ तस्मा॒ - [ ]

**Pada Paata**

भ॒वति॑ । ता॒म् । अ॒प्स्वि॒त्यप् - सु॑ । प्रेति॑ । अ॒वेश॑यन् । य॒माय॑ । उ॒देही॑त्युत् - एहि॑ । इति॑  
। सा॒ । ज॑र॒ती । मू॒र्खा । तं॑ज्जघ॒न्येति॑ तत् - ज॒घ॒न्या । रू॒पम् । कृ॒त्वा । त्र॑य॒स्त्रिंश॑तेति॒  
त्र॑यः-त्रिंश॑त् । च॒ । त्रि॒भिरिति॑ त्रि - भिः॑ । च॒ । श॒तैः । स॒ह । उ॒दैदि॑त्युत् - ऐत् । तस्मा॑त्  
। ज॑र॒तीम् । मू॒र्खाम् । तं॑ज्जघ॒न्यामिति॑ तत् - ज॒घ॒न्याम् । अ॒नु॒स्तर॑णी॒मित्य॑नु - स्तर॑णीम् ।  
कु॒र्वीत् । यः॑ । ए॒वम् । वि॒द्वान् । ज॑र॒तीम् । मू॒र्खाम् । तं॑ज्जघ॒न्यामिति॑ तत् - ज॒घ॒न्याम् ।  
अ॒नु॒स्तर॑णी॒मित्य॑नु - स्तर॑णीम् । कुरु॒ते । त्र॑य॒स्त्रिंश॑दिति॒ त्र॑यः - त्रिंश॑त् । च॒ । ए॒व । अ॒स्य॑  
। त्रीणि॑ । च॒ । श॒तानि॑ । सा॒ । अ॒मु॒ष्मिन् । लो॒के । भ॑वति॒ । वाक् । ए॒व । स॑ह॒स्र॒तुमी॑ति॒  
स॑हस्र - तुमी॑ । तस्मा॑त् ।

## TS 7.1.6.5

### TS 7.1.6.5

#### Samhita Paata

द्वरो देयः सा हि वरः सहस्रमस्य सा दुत्ता भवति तस्माद् वरो न प्रतिगृह्यः सा हि वरः सहस्रमस्य प्रतिगृहीतं भवतीत्यं वर इति ब्रूयादथान्यां ब्रूयादियं ममेति तथाऽस्य तथ सहस्रमप्रतिगृहीतं भवत्युभयतएनी स्यात् तदाहुरन्यत एनी स्याथ सहस्रं परस्तादेतमिति यैव वरः - [ ]

#### Pada Paata

वरः । देयः । सा । हि । वरः । सहस्रम् । अस्य । सा । दुत्ता । भवति । तस्मात् । वरः । न । प्रतिगृह्य इति प्रति - गृह्यः । सा । हि । वरः । सहस्रम् । अस्य । प्रतिगृहीतमिति प्रति - गृहीतम् । भवति । इयम् । वरः । इति । ब्रूयात् । अथ । अन्याम् । ब्रूयात् । इयम् । मम । इति । तथा । अस्य । तत् । सहस्रम् । अप्रतिगृहीतमित्यप्रति - गृहीतम् । भवति । उभयतएनीत्युभयतः - एनी । स्यात् । तत् । आहुः । अन्यतएनीत्यन्यतः - एनी । स्यात् । सहस्रम् । परस्तात् । एतम् । इति । या । एव । वरः ।

## TS 7.1.6.6

### TS 7.1.6.6

#### Samhita Paata

कल्याणी रूपसमृद्धा सा स्यात् सा हि वरः समृद्धयै तामुत्तरेणाऽऽ\*ग्रीद्धं पर्याणीयाऽऽ\*हवनीयस्यान्ते  
 द्रोणकलशमव घ्रापयेदा जिघ्र कलशं मह्युरुधारा पर्यस्वत्या त्वा विशन्तिवन्दवः समुद्रमिव सिन्धवः  
 सा मा सहस्र आ भज प्रजयां पशुभिः सह पुनर्मा ऽऽ\*विशताद-रयिरिति प्रजयैवैनं पशुभी रय्या  
 स - [ ]

### Pada Paata

कल्याणी । रूपसमृद्धेति रूप - समृद्धा । सा । स्यात् । सा । हि । वरः । समृद्ध्या इति  
 सं - ऋद्धयै । ताम् । उत्तरेणेत्युत् - तरेण । आग्रीद्धमित्याग्रि - इद्धम् । पर्याणीयेति परि -  
 आनीयं । आहवनीयस्येत्या - हवनीयस्य । अन्ते । द्रोणकलशमिति द्रोण - कलशम् । अवेति  
 । घ्रापयेत् । एति । जिघ्र । कलशम् । महि । उरुधारेत्युरु - धारा । पर्यस्वती । एति ।  
 त्वा । विशन्ति । इन्दवः । समुद्रम् । इव । सिन्धवः । सा । मा । सहस्रं । एति । भज  
 । प्रजयेति प्र - जयां । पशुभिरिति पशु-भिः । सह । पुनः । मा । एति । विशतात् ।  
 रयिः । इति । प्रजयेति प्र - जयां । एव । एनम् । पशुभिरिति पशु - भिः । रय्या । समिति ।

## TS 7.1.6.7

### TS 7.1.6.7

### Samhita Paata

-मर्द्धयति प्रजावान् पशुमान् रयिमान् भवति य एवं वेद तया सहाऽऽ\*ग्रीद्धं परेत्यं पुरस्तात् प्रतीच्यां  
 तिष्ठन्त्यां जुहुयादुभा जिग्यथुर्न परां जयेथे न परां जिग्ये कतरश्चनैनोः । इन्द्रश्च विष्णो यदपस्पृधेथां

त्रेधा सहस्रं वि तदैरयेथामिति, त्रेधाविभक्तं वै त्रिरात्रे सहस्रं साहस्रीमेवैनां करोति सहस्रस्यैवैनां मात्रा - [ ]

### Pada Paata

अ॒र्द्धय॑ति । प्र॒जावा॑निति॒ प्रजा - वा॒न् । प॒शुमा॑निति॒ पशु - मा॒न् । र॒यिमा॑निति॒ रयि - मा॒न् । भ॒वति॑ । यः । ए॒वम् । वेदं॑ । तया॑ । स॒ह । आ॒ग्नी॒द्धमि॑त्याग्निं - इ॒द्धम् । प॒रेत्ये॑ति॒ परा - इ॒त्यं । पु॒रस्ता॑त् । प्र॒तीच्या॑म् । तिष्ठ॑न्त्याम् । जुहु॑यात् । उ॒भा । जि॒ग्यथुः॑ । न । प॒रेति॑ । ज॒येथे॑ इति॑ । न । प॒रेति॑ । जि॒ग्ये । क॒तुरः॑ । च॒न । ए॒नोः॑ ॥ इन्द्रः॑ । च॒ । वि॒ष्णो इति॑ । यत् । अ॒प॒स्पृधे॑थाम् । त्रेधा॑ । स॒हस्र॑म् । वी॒तिं । तत् । ऐ॒रये॑थाम् । इति॑ । त्रेधा॑वि॒भक्त॑मिति॒ त्रेधा - वि॒भक्त॑म् । वै । त्रि॒रात्र इति॑ त्रि - रा॒त्रे । स॒हस्र॑म् । सा॒ह॒स्री॑म् । ए॒व । ए॒नाम् । क॒रोति॑ । स॒हस्र॑स्य । ए॒व । ए॒नाम् । मा॒त्रा॑म् ।

## TS 7.1.6.8

### TS 7.1.6.8

#### Samhita Paata

करोति रूपाणि जुहोति रूपैरेवैनाः समर्द्धयति तस्या उपोत्थाय कर्णमा जपेदिडे रन्तेऽदिते सरस्वति प्रिये प्रेयसि महि विश्रुत्येतानि ते अघ्निये नामानि सुकृतं मा देवेषु ब्रूतादिति देवेभ्य एवैनमा वेदयत्यन्वेन देवा बुद्ध्यन्ते ॥

**Pada Paata**

क॒रो॒ति । रू॒पाणि॑ । जु॒हो॒ति । रू॒पैः । ए॒व । ए॒ना॒म् । स॒मि॒ति॑ । अ॒र्ध॒य॒ति॑ । त॒स्याः॑ ।  
 उ॒पो॒त्था॒येत्यु॑प - उ॒त्था॒य॑ । क॒र्ण॑म् । ए॒ति॑ । ज॒पे॒त् । इ॒डै॑ । र॒न्ते॑ । अ॒दि॒ते॑ । स॒र॒स्व॒ति॑ । प्रि॒ये॑  
 । प्रे॒य॑सि । म॒हि॑ । वि॒श्रु॒ती॒ति॑ वि - श्रु॒ति॑ । ए॒ता॒नि॑ । ते॒ । अ॒घ्निये॑ । ना॒मा॒नि॑ । सु॒कृ॒त॒मि॒ति॑  
 सु - कृ॒त॑म् । मा॒ । दे॒वेषु॑ । ब्रू॒ता॒त् । इ॒ति॑ । दे॒वेभ्यः॑ । ए॒व । ए॒न॒म् । ए॒ति॑ । वे॒द॒य॒ति॑ ।  
 अ॒न्वि॒ति॑ । ए॒न॒म् । दे॒वाः । बु॒द्ध॒य॒न्ते॑ ॥

**TS 7.1.7.1****TS 7.1.7.1****Samhita Paata**

स॒ह॒स्र॒त॒म्या॑ वै यज॑मानः सु॒व॒र्गं॑ लो॒कमे॑ति सैनः॑ सु॒व॒र्गं॑ लो॒कं ग॑मयति सा मा॑ सु॒व॒र्गं॑ लो॒कं ग॑मयेत्याह  
 सु॒व॒र्गमे॑वैनं॑ लो॒कं ग॑मयति सा मा॑ ज्योति॑ष्मन्तं॑ लो॒कं ग॑मयेत्याह ज्योति॑ष्मन्तमे॑वैनं॑ लो॒कं ग॑मयति  
 सा मा॑ सर्वा॑न् पु॒ण्यां॑ लो॒कान् ग॑मयेत्याह सर्वा॑ने॒वैनं॑ पु॒ण्यां॑ लो॒कान् ग॑मयति सा - [ ]

**Pada Paata**

स॒ह॒स्र॒त॒म्येति॑ सह॒स्र - त॒म्या॑ । वै । यज॑मानः । सु॒व॒र्गमि॑ति सु॒वः - ग॒म् । लो॒कम् । ए॒ति॑  
 । सा । ए॒न॒म् । सु॒व॒र्गमि॑ति सु॒वः - ग॒म् । लो॒कम् । ग॒म॒य॒ति॑ । सा । मा॒ । सु॒व॒र्गमि॑ति  
 सु॒वः - ग॒म् । लो॒कम् । ग॒म॒य॒ । इति॑ । आ॒ह॒ । सु॒व॒र्गमि॑ति सु॒वः - ग॒म् । ए॒व । ए॒न॒म्  
 । लो॒कम् । ग॒म॒य॒ति॑ । सा । मा॒ । ज्योति॑ष्मन्तम् । लो॒कम् । ग॒म॒य॒ । इति॑ । आ॒ह॒ ।

ज्योतिष्मन्तम् । ए॒व । ए॒न॒म् । लो॒कम् । ग॒म॒य॒ति॒ । सा । मा॒ । सर्वा॑न् । पु॒ण्यान् ।  
लो॒कान् । ग॒म॒य॒ । इति॑ । अ॒ह॒ । सर्वा॑न् । ए॒व । ए॒न॒म् । पु॒ण्यान् । लो॒कान् । ग॒म॒य॒ति॒ । सा ।

## TS 7.1.7.2

### TS 7.1.7.2

#### Samhita Paata

मा॑ प्रति॒ष्ठां ग॑मय प्र॒जया॑ प॒शुभिः॑ स॒ह पुन॑र्माऽऽ वि॒शता॑द्-र॒यिरिति॑ प्र॒जयै॑वैनं प॒शुभी॑ र॒य्यां प्रति॑  
ष्ठापयति प्र॒जावा॑न् पशु॒मान् र॑यि॒मान् भ॑वति॒ य ए॒वं वे॒द॒ ताम॒ग्रीधे॑ वा ब्र॒ह्मणे॑ वा हो॒त्रे वो॒द्गात्रे॑  
वाऽद्भ्य॑वे वा दद्यात् स॒हस्र॑मस्य॒ सा दु॒त्ता भ॑वति स॒हस्र॑मस्य॒ प्रति॑गृहीतं भवति॒ यस्ताम॑वि॒द्वान् - [ ]

#### Pada Paata

मा॒ । प्र॒ति॒ष्ठा॒मिति॑ प्रति - स्था॒म् । ग॒म॒य॒ । प्र॒जये॑ति प्र - जया॑ । प॒शुभि॑रिति॒ प॒शु - भिः॑ ।  
स॒ह । पुन॑ः । मा॒ । ए॒ति॑ । वि॒श॒ता॒त् । र॒यिः॑ । इति॑ । प्र॒जये॑ति प्र - जया॑ । ए॒व । ए॒न॒म्  
। प॒शुभि॑रिति॒ प॒शु - भिः॑ । र॒य्याम् । प्र॒तीति॑ । स्था॒प॒य॒ति॒ । प्र॒जावा॑निति॒ प्र॒जा - वा॑न् ।  
प॒शुमा॑निति॒ प॒शु - मान् । र॒यिमा॑निति॒ रयि॑ - मान् । भ॒व॒ति॒ । यः । ए॒वम् । वे॒द॒ । ताम् ।  
अ॒ग्रीधे॑ इत्य॒ग्नि - इ॒धे॑ । वा॒ । ब्र॒ह्मणे॑ । वा॒ । हो॒त्रे॑ । वा॒ । उ॒द्गात्र॑ इत्यु॒त् - गा॒त्रे॑ । वा॒ ।  
अ॒द्भ्य॑वे । वा॒ । दु॒द्यात् । स॒हस्र॑म् । अ॒स्य॒ । सा । दु॒त्ता । भ॒व॒ति॒ । स॒हस्र॑म् । अ॒स्य॒ ।  
प्र॒ति॒गृही॑तमिति॒ प्रति॑ - गृही॒तम् । भ॒व॒ति॒ । यः । ताम् । अ॒वि॒द्वान् ।



## TS 7.1.7.3

### TS 7.1.7.3

#### Samhita Paata

प्रतिगृह्णाति तां प्रतिगृह्णीयादेकांऽसि न सहस्रमेकां त्वा भूतां प्रति गृह्णामि न सहस्रमेकां मा भूताऽऽ  
विश मा सहस्रमित्येकांमेवैनां भूतां प्रतिगृह्णाति न सहस्रं य एवं वेद स्योनाऽसि सुषदा सुशेवा  
स्योना मा ऽऽविश सुषदा मा ऽऽविश सुशेवा मा ऽऽविशे -[ ]

#### Pada Paata

प्रतिगृह्णातीति प्रति - गृह्णाति । ताम् । प्रतीति । गृह्णीयात् । एकां । असि । न । सहस्रम् ।  
एकाम् । त्वा । भूताम् । प्रतीति । गृह्णामि । न । सहस्रम् । एकां । मा । भूता । एति ।  
विश । मा । सहस्रम् । इति । एकाम् । एव । एनाम् । भूताम् । प्रतीति । गृह्णाति । न  
। सहस्रम् । यः । एवम् । वेद । स्योना । असि । सुषदेति सु-सदा । सुशेवेति सु - शेवा  
। स्योना । मा । एति । विश । सुषदेति सु - सदा । मा । एति । विश । सुशेवेति सु -  
शेवा । मा । एति । विश ।

## TS 7.1.7.4

### TS 7.1.7.4

#### Samhita Paata

-त्याह स्योनैवैनः सुषदा सुशेवा भूताऽऽ विंशति नैनः हिनस्ति ब्रह्मवादिनो वदन्ति सहस्रः सहस्रतम्यन्वेती(3) सहस्रतमीः सहस्रा(3)मिति यत् प्राचीमुथ सृजेथ सहस्रः सहस्रतम्यन्वियात् तथ सहस्रमप्रज्ञात्रः सुवर्गलोकं न प्र जानीयात् प्रतीचीमुथ- सृजति ताः सहस्रमनु पर्यावर्तते सा प्रजानती सुवर्गलोकमेति यजमान ( ) -मभ्युथ सृजति क्षिप्रे सहस्रं प्र जायत उत्तमा नीयते प्रथमा देवान् गच्छति ॥

### Pada Paata

इति । आह । स्योना । एव । एनम् । सुषदेति सु - सदा । सुशेवेति सु - शेवा । भूता । एति । विंशति । न । एनम् । हिनस्ति । ब्रह्मवादिन इति ब्रह्म - वादिनः । वदन्ति । सहस्रम् । सहस्रतमीति सहस्र - तमी । अन्विति । एती(3) । सहस्रतमीमिति सहस्र - तमीम् । सहस्रा(3)म् । इति । यत् । प्राचीम् । उथ्सृजेदित्युत् - सृजेत् । सहस्रम् । सहस्रतमीति सहस्र - तमी । अन्विति । इयात् । तत् । सहस्रम् । अप्रज्ञात्रमित्यप्र - ज्ञात्रम् । सुवर्गमिति सुवः - गम् । लोकम् । न । प्रेति । जानीयात् । प्रतीचीम् । उदिति । सृजति । ताम् । सहस्रम् । अन्विति । पर्यावर्तत इति परि - आवर्तते । सा । प्रजानतीति प्र - जानती । सुवर्गमिति सुवः - गम् । लोकम् । एति । यजमानम् ( ) । अभि । उदिति । सृजति । क्षिप्रे । सहस्रम् । प्रेति । जायते । उत्तमेत्युत् - तमा । नीयते । प्रथमा । देवान् । गच्छति ॥

## TS 7.1.8.1

### TS 7.1.8.1

### Samhita Paata

अत्रि॑रद॒दा॒दौर्वा॑य॒ प्र॒जां पु॒त्रका॑माय॒ स रि॑रि॒चानो॑ऽमन्य॒त् निर्वी॑र्यः शिथि॒लो या॒तया॑मा॒ स ए॒तं च॑तू॒रात्र॑-  
म॒पश्य॑त् तमा॒ऽह॑र॒त् तेना॑यज॒त् ततो॑ वै तस्य॑ च॒त्वारो॑ वी॒रा आ॑ऽजायन्त॒ सुहो॑ता॒ सू॒द्राता॒ स्व॑द्ध॒र्युः  
सुस॑भेयो॒ य ए॒वं वि॒द्वान् च॑तू॒रात्रे॑ण॒ यज॑न्त॒ आ॑ऽस्य॑ च॒त्वारो॑ वी॒रा जा॑यन्ते॒ सुहो॑ता॒ सू॒द्राता॒ स्व॑द्ध॒र्युः  
सुस॑भेयो॒ ये च॑तुर्वि॒ंशाः प॑व॒माना॒ ब्रह्म॑व॒र्चसं॑ त - [ ]

### Pada Paata

अत्रिः । अ॒द॒दा॒त् । औ॒र्वा॒य । प्र॒जामि॑ति॒ प्र - जा॑म् । पु॒त्रका॑मा॒येति॑ पु॒त्र - का॑मा॒य । सः ।  
रि॒रि॒चा॒नः । अ॒मन्य॑त् । निर्वी॑र्य इति॒ निः - वी॑र्यः । शिथि॒लः । या॒तया॑मेति॒ या॒त - या॑मा॒ ।  
सः । ए॒तम् । च॑तू॒रात्र॑मिति॒ चतुः - रा॒त्रम् । अ॒प॒श्य॑त् । तम् । एति॑ । अ॒ह॒र॒त् । तेन॑ ।  
अ॒य॒ज॒त् । ततः॑ । वै । तस्य॑ । च॒त्वारः॑ । वी॒राः । एति॑ । अ॒जा॒य॒न्त॒ । सुहो॑तेति॒ सु - हो॒ता॒  
। सू॒द्रा॒तेति॑ सु - उ॒द्रा॒ता॒ । स्व॑द्ध॒र्युरिति॑ सु - अ॒द्ध॒र्युः । सुस॑भेय॒ इति॑ सु - स॒भेयः॑ । यः ।  
ए॒वम् । वि॒द्वान् । च॑तू॒रात्रे॑णेति॒ चतुः - रा॒त्रेण॑ । यज॑न्ते । एति॑ । अ॒स्य॑ । च॒त्वारः॑ । वी॒राः ।  
जा॒य॒न्ते । सुहो॑तेति॒ सु - हो॒ता॒ । सू॒द्रा॒तेति॑ सु - उ॒द्रा॒ता॒ । स्व॑द्ध॒र्युरिति॑ सु - अ॒द्ध॒र्युः । सुस॑भेय॒  
इति॑ सु - स॒भेयः॑ । ये । च॑तुर्वि॒ंशा इति॑ चतुः - वि॒ंशाः । प॑व॒मानाः । ब्रह्म॑व॒र्चसमि॑ति॒ ब्रह्म॑  
- व॒र्च॒सम् । तत् ।

## TS 7.1.8.2

### TS 7.1.8.2

### Samhita Paata

- घ उद्यन्तः स्तोमाः श्रीः सा ऽत्रिः श्रद्धादेवं यजमानं चत्वारि वीर्याणि नोपाऽनमन् तेजं इन्द्रियं ब्रह्मवर्चस-मन्नाद्यः स एताःश्चतुरश्चतुष्टोमान्थ सोमान-पश्यत् तानाऽहरत् तैरयजत् तेजं एव प्रथमेना ऽवारुन्धेन्द्रियं द्वितीयेन ब्रह्मवर्चसं तृतीयेनान्नाद्यं चतुर्थेन य एव विद्वाःश्चतुरश्चतुष्टोमान्थ सोमानाहरति तैरयजते तेजं एव ( ) प्रथमेनावं रुन्ध इन्द्रियं द्वितीयेन ब्रह्मवर्चसं तृतीयेनान्नाद्यं चतुर्थेन यामेवात्रिरु ऋद्धिमाद्धोत् तामेव यजमानं ऋद्धोति ॥

### Pada Paata

ये । उद्यन्त इत्युत् - यन्तः । स्तोमाः । श्रीः । सा । अत्रिम् । श्रद्धादेवमिति श्रद्धा - देवम् । यजमानम् । चत्वारि । वीर्याणि । न । उपेति । अनमन् । तेजः । इन्द्रियम् । ब्रह्मवर्चसमिति ब्रह्म-वर्चसम् । अन्नाद्यमित्यन्न - अद्यम् । सः । एतान् । चतुरः । चतुष्टोमानिति चतुः - स्तोमान् । सोमान् । अपश्यत् । तान् । एति । अहरत् । तैः । अयजत् । तेजः । एव । प्रथमेन । अवेति । अरुन्ध । इन्द्रियम् । द्वितीयेन । ब्रह्मवर्चसमिति ब्रह्म - वर्चसम् । तृतीयेन । अन्नाद्यमित्यन्न - अद्यम् । चतुर्थेन । यः । एवम् । विद्वान् । चतुरः । चतुष्टोमानिति चतुः - स्तोमान् । सोमान् । आहरतीत्यां - हरति । तैः । यजते । तेजः । एव ( ) । प्रथमेन । अवेति । रुन्धे । इन्द्रियम् । द्वितीयेन । ब्रह्मवर्चसमिति ब्रह्म - वर्चसम् । तृतीयेन । अन्नाद्यमित्यन्न - अद्यम् । चतुर्थेन । याम् । एव । अत्रिः । ऋद्धिम् । आद्धोत् । ताम् । एव । यजमानः । ऋद्धोति ॥

## TS 7.1.9.1

### TS 7.1.9.1

#### Samhita Paata

ज॒मद॑ग्निः पु॒ष्टिकाम॑-श्चतू॒रात्रेणा॑-यज॒तु स ए॒तान् पोषा॑ऽ अ॒पुष्य॑त् तस्मा॑त् प॒लितौ॑ जा॒मद॑ग्नियौ न  
सं जा॑नाते ए॒ताने॒व पोषा॑न् पु॒ष्यति॑ य ए॒वं वि॒द्वान्श्च॑तू॒रात्रेण॑ यज॑ते पु॒रोडा॑शिन्य॑ उ॒प॒सदो॑ भ॒वन्ति॑  
प॒शवो॑ वै पु॒रोडा॑शः प॒शून्ने॒वाव॑ रु॒न्धे ऽन्नं॑ वै पु॒रोडा॑शोऽन्नं॑मे॒वाव॑ रु॒न्धे ऽन्ना॑दः प॒शुमान्॑ भ॒वति॑ य ए॒वं  
वि॒द्वान्श्च॑तू॒रात्रेण॑ यज॑ते ॥

#### Pada Paata

ज॒मद॑ग्निः । पु॒ष्टिकाम॑ इति पु॒ष्टि - का॒मः । च॒तू॒रात्रेणेति॑ चतुः - रा॒त्रेण॑ । अ॒य॒ज॒तु । सः ।  
ए॒तान् । पोषा॑न् । अ॒पुष्य॑त् । तस्मा॑त् । प॒लितौ॑ । जा॒मद॑ग्नियौ । न । स॒मि॒ति । जा॒ना॒ते इति॑  
। ए॒तान् । ए॒व । पोषा॑न् । पु॒ष्यति॑ । यः । ए॒वम् । वि॒द्वान् । च॒तू॒रात्रेणेति॑ चतुः - रा॒त्रेण॑  
। यज॑ते । पु॒रोडा॑शिन्यः । उ॒प॒सद॑ इत्यु॒प - सदः॑ । भ॒व॒न्ति । प॒शवः॑ । वै । पु॒रोडा॑शः ।  
प॒शून् । ए॒व । अ॒वेति॑ । रु॒न्धे । अ॒न्नम् । वै । पु॒रोडा॑शः । अ॒न्नम् । ए॒व । अ॒वेति॑ । रु॒न्धे  
। अ॒न्ना॑द इत्य॒न्न - अ॒दः । प॒शुमा॑निति॑ पशु - मान् । भ॒व॒ति । यः । ए॒वम् । वि॒द्वान् ।  
च॒तू॒रात्रेणेति॑ चतुः-रा॒त्रेण॑ । यज॑ते ॥

**TS 7.1.10.1****TS 7.1.10.1****Samhita Paata**

सुँव॒थ्स॒रो वा इ॒दमे॒कं आसी॒थ सोऽका॒मय॒तुर्तून्थ॒ सृ॒जे॒येति॒ स ए॒तं प॑ञ्चरा॒त्रम॑पश्यत् तमाऽह॑रत्  
तेना॑यजत् ततो॒ वै स ऋ॒तून्सृ॒जत् य ए॒वं वि॒द्वान् प॑ञ्चरा॒त्रेण॒ यज॑ते प्रै॒व जा॑यते त ऋ॒तवः॑ सृ॒ष्टा न  
व्याव॑र्तन्त॒ त ए॒तं प॑ञ्चरा॒त्रम॑पश्यन् तमाऽह॑रन् तेना॑यजन्त॒ ततो॒ वै ते व्याव॑र्तन्त॒- [ ]

**Pada Paata**

सुँव॒थ्स॒र इति॑ सं - व॒थ्स॒रः । वै । इ॒दम् । ए॒कः । आ॒सीत् । सः । अ॒का॒म॒य॒त् । ऋ॒तून्  
। सृ॒जे॒य॒ । इति॑ । सः । ए॒तम् । प॒ञ्चरा॒त्रमि॑ति पञ्च - रा॒त्रम् । अ॒प॒श्य॒त् । तम् । ए॒ति॑  
। अ॒ह॒रत् । तेन॑ । अ॒य॒ज॒त् । ततः॑ । वै । सः । ऋ॒तून् । अ॒सृ॒ज॒त् । यः । ए॒वम् ।  
वि॒द्वान् । प॒ञ्चरा॒त्रेणे॑ति पञ्च - रा॒त्रेण॑ । यज॑ते । प्रे॒ति॑ । ए॒व । जा॑यते । ते । ऋ॒तवः॑ । सृ॒ष्टाः  
। न । व्याव॑र्तन्तेति॑ वि - आ॒व॑र्तन्त । ते । ए॒तम् । प॒ञ्चरा॒त्रमि॑ति पञ्च - रा॒त्रम् । अ॒प॒श्य॒त्  
। तम् । ए॒ति॑ । अ॒ह॒रन् । तेन॑ । अ॒य॒ज॒न्त॒ । ततः॑ । वै । ते । व्याव॑र्तन्तेति॑ वि - आ॒व॑र्तन्त ।

**TS 7.1.10.2****TS 7.1.10.2****Samhita Paata**

य एवं विद्वान् पञ्चरात्रेण यजते वि पाप्मना भ्रातृव्येणाऽऽ\* वर्तते सार्वसेनिः शौचेयोऽकामयत  
 पशुमान्थ स्यामिति स एतं पञ्चरात्रमाऽहरत् तेनाऽयजत् ततो वै स सहस्रं पशून् प्राऽऽ\*प्नोद्य एवं  
 विद्वान् पञ्चरात्रेण यजते प्र सहस्रं पशूनाप्नोति बभ्रुः प्रावाहणि-रकामयत वाचः प्रवदिता स्यामिति  
 स एतं पञ्चरात्रमा - [ ]

### Pada Paata

यः । एवम् । विद्वान् । पञ्चरात्रेणेति पञ्च-रात्रेण । यजते । वर्तते । पाप्मना । भ्रातृव्येण ।  
 एति । वर्तते । सार्वसेनिरिति सार्व - सेनिः । शौचेयः । अकामयत् । पशुमानिति पशु -  
 मान् । स्याम् । इति । सः । एतम् । पञ्चरात्रमिति पञ्च - रात्रम् । एति । अहरत् । तेन  
 । अयजत् । ततः । वै । सः । सहस्रम् । पशून् । प्रेति । आप्नोत् । यः । एवम् ।  
 विद्वान् । पञ्चरात्रेणेति पञ्च-रात्रेण । यजते । प्रेति । सहस्रम् । पशून् । आप्नोति । बभ्रुः ।  
 प्रावाहणिः । अकामयत् । वाचः । प्रवदितेति प्र - वदिता । स्याम् । इति । सः । एतम् ।  
 पञ्चरात्रमिति पञ्च - रात्रम् । एति ।

## TS 7.1.10.3

### TS 7.1.10.3

#### Samhita Paata

ऽहरत् तेनायजत् ततो वै स वाचः प्रवदिताऽभवेद्य एवं विद्वान् पञ्चरात्रेण यजते प्रवदितैव वाचो  
 भवेत्यथो एनं वाचस्पति-रित्याहुरनाप्त-श्चतूरात्रोऽतिरिक्तः षड्-रात्रोऽथ वा एष संप्रति यज्ञो यत्

पञ्चरात्रो य एवं विद्वान् पञ्चरात्रेण यजते संप्रत्येव यज्ञेन यजते पञ्चरात्रो भवति पञ्च वा ऋतवः  
संवत्सर - [ ]

### Pada Paata

अहरत् । तेन । अयजत् । ततः । वै । सः । वाचः । प्रवदितेति प्र - वदिता । अभवत्  
। यः । एवम् । विद्वान् । पञ्चरात्रेणेति पञ्च - रात्रेण । यजते । प्रवदितेति प्र - वदिता ।  
एव । वाचः । भवति । अथो इति । एनम् । वाचः । पतिः । इति । आहुः । अनौप्तः  
। चतुरात्र इति चतुः - रात्रः । अतिरिक्त इत्यति - रिक्तः । षड्रात्र इति षट् - रात्रः । अथ  
। वै । एषः । सम्प्रतीति सं - प्रति । यज्ञः । यत् । पञ्चरात्र इति पञ्च - रात्रः । यः ।  
एवम् । विद्वान् । पञ्चरात्रेणेति पञ्च - रात्रेण । यजते । सम्प्रतीति सं - प्रति । एव । यज्ञेन ।  
यजते । पञ्चरात्र इति पञ्च - रात्रः । भवति । पञ्च । वै । ऋतवः । संवत्सर इति सं - वत्सरः ।

## TS 7.1.10.4

### TS 7.1.10.4

### Samhita Paata

ऋतुष्वेव संवत्सरे प्रति तिष्ठत्यथो पञ्चाक्षरा पङ्क्तिः पाङ्क्तो यज्ञो यज्ञमेवाव रुन्धे त्रिवृदग्निष्टोमो भवति  
तेज एवाव रुन्धे पञ्चदशो भवतीन्द्रियमेवाव रुन्धे सप्तदशो भवत्यन्नाद्यस्या-वरुद्ध्या अथो प्रैव तेन  
जायते पञ्चविंशो ऽग्निष्टोमो भवति प्रजापतेरास्यै महाव्रतवा-न्नाद्यस्या-वरुद्ध्यै विश्वजिथ् सर्वपृष्ठो-  
ऽतिरात्रो भवति सर्वस्याभिजित्यै ( ) ॥



**Pada Paata**

ऋतुषु । एव । सँवत्सुर इति सं - वत्सुरे । प्रतीति । तिष्ठन्ति । अथो इति । पञ्चाक्षरेति  
 पञ्च - अक्षरा । पङ्क्तिः । पाङ्क्तः । यज्ञः । यज्ञम् । एव । अवेति । रुन्धे । त्रिवृदिति त्रि -  
 वृत् । अग्निष्टोम इत्यग्नि - स्तोमः । भवति । तेजः । एव । अवेति । रुन्धे । पञ्चदश इति  
 पञ्च - दशः । भवति । इन्द्रियम् । एव । अवेति । रुन्धे । सप्तदश इति सप्त - दशः ।  
 भवति । अन्नाद्यस्येत्यन्न - अद्यस्य । अवरुद्ध्या इत्यव - रुद्ध्यै । अथो इति । प्रेति । एव  
 । तेन । जायते । पञ्चविंश इति पञ्च - विंशः । अग्निष्टोम इत्यग्नि - स्तोमः । भवति ।  
 प्रजापतेरिति प्रजा-पतेः । आस्यै । महाव्रतवानिति महाव्रत-वान् । अन्नाद्यस्येत्यन्न - अद्यस्य ।  
 अवरुद्ध्या इत्यव - रुद्ध्यै । विश्वजिदिति विश्व - जित् । सर्वपृष्ठ इति सर्व - पृष्ठः । अतिरात्र  
 इत्यति - रात्रः । भवति । सर्वस्य । अभिजित्या इत्यभि-जित्यै ( ) ॥

**TS 7.1.11.1****TS 7.1.11.1****Samhita Paata**

देवस्यत्वा सवितुः प्रसुवैऽश्विनोर्बाहुभ्यां पूष्णो हस्ताभ्यामा दद इमामंगृभ्णन् रश्नामृतस्य पूर्व  
 आयुषि विदथेषु कव्या । तया देवाः सुतमा बभूवुर् ऋतस्य सामन्थे-सुरमारपन्ती ॥ अभिधा असि  
 भुवनमसि यन्ताऽसि धर्ताऽसि सौऽग्निं वैश्वानरः सप्रथसं गच्छ स्वाहाकृतः पृथिव्यां यन्ता राड्  
 यन्ताऽसि यमनो धर्ताऽसि धरुणः ( ) कृष्यै त्वा क्षेमाय त्वा रय्यै त्वा पोषाय त्वा पृथिव्यै त्वा  
 ऽन्तरिक्षाय त्वा दिवे त्वा सते त्वाऽसते त्वाद्ध्यस्त्वौ-षधीभ्यस्त्वा विश्वेभ्यस्त्वा भूतेभ्यः ॥

**Pada Paata**

देवस्य॑ । त्वा॒ । स॒वि॒तुः । प्र॒स॒व इति॑ प्र - सु॒वे । अ॒श्विनोः॑ । बा॒हुभ्या॑मिति॑ बा॒हु - भ्या॑म् ।  
 पू॒ष्णः । ह॒स्ता॑भ्याम् । ए॒ति॑ । दु॒दे । इ॒माम् । अ॒गृ॒भ्ण॒न् । र॒श॒नाम् । ऋ॒तस्य॑ । पू॒र्वे ।  
 आ॒यु॑षि । वि॒दथे॑षु । क॒व्या ॥ त॒या॑ । दे॒वाः । सु॒तम् । ए॒ति॑ । ब॒भू॒वुः । ऋ॒तस्य॑ । सा॒मन्त्रं॑  
 । स॒रम् । आ॒र॒प॒न्ती॒त्या॑ - र॒प॒न्ती ॥ अ॒भि॒धा इत्य॑भि - धाः । अ॒सि॒ । भु॒व॒नम् । अ॒सि॒ ।  
 य॒न्ता । अ॒सि॒ । ध॒र्ता । अ॒सि॒ । सः । अ॒ग्निम् । वै॒श्वान॑रम् । स॒प्र॒थ॒स॒मिति॑ स - प्र॒थ॒स॒म् ।  
 ग॒च्छ॒ । स्वा॒हा॒कृ॒त इति॑ स्वा॒हा - कृ॒तः । पृ॒थि॒व्याम् । य॒न्ता । रा॒ट् । य॒न्ता । अ॒सि॒ । य॒म॒नः॑  
 । ध॒र्ता । अ॒सि॒ । ध॒रु॒णः ( ) । कृ॒ष्यै । त्वा॒ । क्षे॒मा॒य । त्वा॒ । र॒य्यै । त्वा॒ । पो॒षा॒य ।  
 त्वा॒ । पृ॒थि॒व्यै । त्वा॒ । अ॒न्त॒रि॒क्षाय॑ । त्वा॒ । दि॒वे । त्वा॒ । सु॒ते । त्वा॒ । अ॒स॒ते । त्वा॒ ।  
 अ॒द्भ्य इत्य॑त् - भ्यः । त्वा॒ । ओ॒ष॒धी॒भ्य इत्यो॑ष॒धि - भ्यः । त्वा॒ । वि॒श्वे॑भ्यः । त्वा॒ । भू॒ते॒भ्यः ॥

**TS 7.1.12.1****TS 7.1.12.1****Samhita Paata**

वि॒भूर्मा॒त्रा प्र॒भूः पि॒त्राश्चो॑ऽसि॒ ह॒योऽस्य॑त्यो॑ऽसि॒ न॒रोऽस्य॑र्वा॑ऽसि॒ स॒प्ति॒रसि॑ वा॒ज्यं॑सि॒ वृ॒षा॑ऽसि॒ नृ॒म॒णां  
 अ॒सि॒ य॒यु॒र्ना॒मा॑स्या॒दित्या॑नां॒ प॒त्वा॒न्वि॒ह्य॒ग्नये॑ स्वा॒हा स्वा॒हेन्द्रा॑ग्नि॒भ्याः॑ स्वा॒हा प्र॒जाप॑तये॒ स्वाहा॑ वि॒श्वे॑भ्यो  
 दे॒वेभ्यः॑ स्वा॒हा सर्वा॑भ्यो दे॒वेता॑भ्य इ॒ह धृ॒तिः स्वा॒हेह वि॒धृ॒तिः स्वा॒हेह र॒न्तिः स्वा॒हे ( ) -ह र॑म॒तिः  
 स्वा॒हा भू॒रसि॑ भु॒वे त्वा॒ भ॒व्या॑य त्वा॒ भ॒वि॒ष्य॑ते त्वा॒ वि॒श्वे॑भ्यस्त्वा॒ भू॒तेभ्यो॑ दे॒वा आ॑शा॒पाला॑ ए॒तं

दे॒वेभ्योऽश्वं॑ मे॒धाय॑ प्रोक्षि॑तं गोपा॒यत ॥

### Pada Paata

वि॒भूरि॑तिं वि - भूः । मा॒त्रा । प्र॒भूरि॑तिं प्र - भूः । पि॒त्रा । अश्वः॑ । अ॒सि । हयः॑ । अ॒सि ।  
 अत्यः॑ । अ॒सि । नरः॑ । अ॒सि । अर्वा॑ । अ॒सि । सप्तिः॑ । अ॒सि । वा॒जी । अ॒सि । वृषा॑  
 । अ॒सि । नृम॑णा इति॑ नृ - मनाः॑ । अ॒सि । ययुः॑ । नाम॑ । अ॒सि । आ॒दि॒त्याना॑म् । प॒त्वं  
 । अ॒न्वि॒ति । इ॒हि । अ॒ग्नये॑ । स्वाहा॑ । स्वाहा॑ । इन्द्रा॑ग्निभ्यामितीन्द्रा॑ग्नि - भ्याम् । स्वाहा॑ ।  
 प्र॒जाप॑तय इति॑ प्र॒जा - प॒तये॑ । स्वाहा॑ । विश्वे॑भ्यः । दे॒वेभ्यः॑ । स्वाहा॑ । सर्वा॑भ्यः । दे॒वेता॑भ्यः  
 । इ॒ह । धृ॒तिः । स्वाहा॑ । इ॒ह । वि॒धृति॑रिति॑ वि - धृ॒तिः । स्वाहा॑ । इ॒ह । रन्तिः॑ । स्वाहा॑  
 ( ) । इ॒ह । रम॑तिः । स्वाहा॑ । भूः । अ॒सि । भु॒वे । त्वा । भ॒व्याय॑ । त्वा । भ॒विष्य॑ते  
 । त्वा । विश्वे॑भ्यः । त्वा । भू॒तेभ्यः॑ । दे॒वाः । आ॒शा॒पा॒ला इत्या॑शा - पा॒लाः । ए॒तम् ।  
 दे॒वेभ्यः॑ । अश्व॑म् । मे॒धाय॑ । प्रोक्षि॑तमिति॑ प्र - उ॒क्षित॑म् । गो॒पा॒यत ॥

## TS 7.1.13.1

### TS 7.1.13.1

### Samhita Paata

आय॑नाय॒ स्वाहा॑ प्राय॑णाय॒ स्वाहो॑द्वा॒वाय॒ स्वाहो॑द्दु॒ताय॒ स्वाहा॑ शू॒का॒राय॒ स्वाहा॑ शू॒कृ॒ताय॒ स्वाहा॑  
 प॒ला॒यिता॑य॒ स्वाहा॑ ऽऽप॒ला॒यिता॑य॒ स्वाहा॑ ऽऽव॒र्गते॑ स्वाहा॑ प॒रा॒व॒र्गते॑ स्वाहा॑ ऽऽय॑ते स्वाहा॑ प्र॒य॑ते  
 स्वाहा॑ सर्व॑स्मै स्वाहा॑ ॥

**Pada Paata**

आय॑नाये॒त्या॑ - अ॒य॑नाय । स्वाहा॑ । प्रा॒य॑णा॒येति॑ प्र - अ॒य॑नाय । स्वाहा॑ । उ॒द्वा॒वाये॒त्युत् - द्वा॒वाय॑  
 । स्वाहा॑ । उ॒द्वा॒वाये॒त्युत्-द्वा॒वाय॑ । स्वाहा॑ । शू॒का॒रायेति॑ शू॒का॒राय॑ । स्वाहा॑ । शू॒कृ॒तायेति॑  
 शू॒कृ॒ताय॑ । स्वाहा॑ । प॒ला॒यिताय॑ । स्वाहा॑ । आ॒प॒ला॒यिता॒येत्या॑ - प॒ला॒यिताय॑ । स्वाहा॑ ।  
 आ॒व॒ल्ग॑त् इत्या॑ - व॒ल्ग॑ते । स्वाहा॑ । प॒रा॒व॒ल्ग॑त् इति॑ प॒रा - व॒ल्ग॑ते । स्वाहा॑ । आ॒य॒त इत्या॑  
 - य॒ते । स्वाहा॑ । प्र॒य॒त इति॑ प्र - य॒ते । स्वाहा॑ । स॒र्व॒स्मै । स्वाहा॑ ॥

**TS 7.1.14.1****TS 7.1.14.1****Samhita Paata**

अ॒ग्नये॑ स्वाहा॑ सोमा॑य॒ स्वाहा॑ वा॒यवे॑ स्वाहा॑ ऽपां॑ मोदा॑य॒ स्वाहा॑ स॒वि॒त्रे स्वाहा॑ स॒र॒स्व॒त्यै स्वाहे॑-न्द्रा॑य॒  
 स्वाहा॑ बृ॒ह॒स्प॒तये॑ स्वाहा॑ मि॒त्राय॑ स्वाहा॑ व॒रु॑णाय॒ स्वाहा॑ स॒र्व॒स्मै स्वाहा॑ ॥

**Pada Paata**

अ॒ग्नये॑ । स्वाहा॑ । सोमा॑य॒ । स्वाहा॑ । वा॒यवे॑ । स्वाहा॑ । अ॒पाम् । मोदा॑य॒ । स्वाहा॑ । स॒वि॒त्रे  
 । स्वाहा॑ । स॒र॒स्व॒त्यै । स्वाहा॑ । इन्द्रा॑य॒ । स्वाहा॑ । बृ॒ह॒स्प॒तये॑ । स्वाहा॑ । मि॒त्राय॑ । स्वाहा॑  
 । व॒रु॑णाय॒ । स्वाहा॑ । स॒र्व॒स्मै । स्वाहा॑ ॥

**TS 7.1.15.1****TS 7.1.15.1****Samhita Paata**

पृथिव्यै स्वाहा ऽन्तरिक्षाय स्वाहा दिवे स्वाहा सूर्याय स्वाहा चन्द्रमसे स्वाहा नक्षत्रेभ्यः स्वाहा  
 प्राच्यै दिशे स्वाहा दक्षिणायै दिशे स्वाहा प्रतीच्यै दिशे स्वाहो-दीच्यै दिशे स्वाहोर्ध्वायै दिशे स्वाहा  
 दिग्भ्यः स्वाहा ऽवान्तरदिशाभ्यः स्वाहा समाभ्यः स्वाहा शरद्भ्यः स्वाहा ऽहोरात्रेभ्यः स्वाहा  
 ऽर्द्धमासेभ्यः स्वाहा मासेभ्यः स्वाहार्तुभ्यः स्वाहा सँवत्सराय स्वाहा सर्वस्मै स्वाहा ॥

**Pada Paata**

पृथिव्यै । स्वाहा । अन्तरिक्षाय । स्वाहा । दिवे । स्वाहा । सूर्याय । स्वाहा । चन्द्रमसे  
 । स्वाहा । नक्षत्रेभ्यः । स्वाहा । प्राच्यै । दिशे । स्वाहा । दक्षिणायै । दिशे । स्वाहा ।  
 प्रतीच्यै । दिशे । स्वाहा । उदीच्यै । दिशे । स्वाहा । ऊर्ध्वायै । दिशे । स्वाहा । दिग्भ्यः  
 इति दिक् - भ्यः । स्वाहा । अवान्तरदिशाभ्यः इत्यवान्तर - दिशाभ्यः । स्वाहा । समाभ्यः  
 । स्वाहा । शरद्भ्यः इति शरत् - भ्यः । स्वाहा । अहोरात्रेभ्यः इत्यहः - रात्रेभ्यः । स्वाहा  
 । अर्द्धमासेभ्यः इत्यर्द्ध-मासेभ्यः । स्वाहा । मासेभ्यः । स्वाहा । ऋतुभ्यः इत्यृतु - भ्यः ।  
 स्वाहा । सँवत्सरायेति सं - वत्सराय । स्वाहा । सर्वस्मै । स्वाहा ॥

## TS 7.1.16.1

### TS 7.1.16.1

#### Samhita Paata

अ॒ग्नये॑ स्वाहा॒ सोमा॑य॒ स्वाहा॑ स॒वित्रे॑ स्वाहा॒ सर॑स्वत्यै॒ स्वाहा॑ पू॒ष्णे स्वाहा॒ बृह॑स्पतये॒ स्वाहा॑ ऽपां॒  
मोदा॑य॒ स्वाहा॑ वा॒यवे॒ स्वाहा॑ मि॒त्राय॒ स्वाहा॑ वरु॑णाय॒ स्वाहा॑ सर्व॑स्मै॒ स्वाहा॑ ॥

#### Pada Paata

अ॒ग्नये॑ । स्वाहा॑ । सोमा॑य । स्वाहा॑ । स॒वित्रे॑ । स्वाहा॑ । सर॑स्वत्यै । स्वाहा॑ । पू॒ष्णे ।  
स्वाहा॑ । बृह॑स्पतये । स्वाहा॑ । अ॒पाम् । मोदा॑य । स्वाहा॑ । वा॒यवे॑ । स्वाहा॑ । मि॒त्राय॑ ।  
स्वाहा॑ । वरु॑णाय । स्वाहा॑ । सर्व॑स्मै । स्वाहा॑ ॥

## TS 7.1.17.1

### TS 7.1.17.1

#### Samhita Paata

पृ॒थि॒व्यै स्वाहा॒ ऽन्तरि॑क्षाय॒ स्वाहा॑ दि॒वे स्वाहा॒ ऽग्नये॑ स्वाहा॒ सोमा॑य॒ स्वाहा॑ सू॒र्याय॒ स्वाहा॑ च॒न्द्रम॑से॒  
स्वाहा॑ ऽ॒ह्ने स्वाहा॒ रा॒त्रियै॑ स्वाहा॒ र्जवे॑ स्वाहा॑ सा॒धवे॑ स्वाहा॑ सु॒क्षित्यै॑ स्वाहा॑ क्षु॒धे स्वाहा॑ ऽ॒शिति॑म्ने॒  
स्वाहा॑ रोगा॑य॒ स्वाहा॑ हि॒माय॒ स्वाहा॑ शी॒ताय॒ स्वाहा॑ ऽ॒त॒पाय॒ स्वाहा॑ ऽर॑ण्याय॒ स्वाहा॑ सु॒व॒र्गाय॒

स्वाहा॑ लो॒काय॑ स्वाहा॑ सर्व॑स्मै स्वाहा॑ ॥

### Pada Paata

पृ॒थि॒व्यै । स्वाहा॑ । अ॒न्तरि॑क्षाय । स्वाहा॑ । दि॒वे । स्वाहा॑ । अ॒ग्न्यै । स्वाहा॑ । सोमा॑य ।  
 स्वाहा॑ । सू॒र्याय॑ । स्वाहा॑ । च॒न्द्रम॑से । स्वाहा॑ । अ॒ह्ने । स्वाहा॑ । रा॒त्रि॒यै । स्वाहा॑ ।  
 ऋ॒ज॒वै । स्वाहा॑ । सा॒ध॒वै । स्वाहा॑ । सु॒क्षित्या॑ इति॑ सु - क्षि॒त्यै । स्वाहा॑ । क्षु॒धे । स्वाहा॑ ।  
 आ॒शि॒ति॒म्ने । स्वाहा॑ । रो॒गाय॑ । स्वाहा॑ । हि॒माय॑ । स्वाहा॑ । शी॒ताय॑ । स्वाहा॑ । आ॒त॒पाये॑त्या॑  
 - त॒पाय॑ । स्वाहा॑ । अ॒र॒ण्याय॑ । स्वाहा॑ । सु॒व॒र्गाये॑ति॑ सु॒वः - गा॑य । स्वाहा॑ । लो॒काय॑ ।  
 स्वाहा॑ । सर्व॑स्मै । स्वाहा॑ ॥

## TS 7.1.18.1

### TS 7.1.18.1

### Samhita Paata

भुवो॑ दे॒वानां॑ कर्म॑णाऽप॒स॒र्तस्य॑ प॒थ्याऽसि॑ वसु॑भि-दे॒वेभि॑-दे॒वता॑या गाय॑त्रेण॑ त्वा॒ छन्द॑सा युन॒ज्मि  
 वस॑न्तेन॑ त्व॒र्तुना॑ ह॒विषा॑ दीक्षयामि रु॒द्रेभि॑-दे॒वेभि॑-दे॒वता॑या त्रैष्टु॑भेन त्वा॒ छन्द॑सा युन॒ज्मि ग्री॒ष्मेण॑  
 त्व॒र्तुना॑ ह॒विषा॑ दीक्षया-म्यादित्येभि॑-दे॒वेभि॑-दे॒वता॑या जा॒गते॑न त्वा॒ छन्द॑सा युन॒ज्मि व॒रू॒षाभि॑स्त्व॒र्तुना॑  
 ह॒विषा॑ दीक्षयामि वि॒श्वेभि॑-दे॒वेभि॑-दे॒वता॑या ऽऽनु॑ष्टुभेन त्वा॒ छन्द॑सा युन॒ज्मि - [ ]

### Pada Paata

भुवः । देवानां । कर्मणा । अपसां । ऋतस्य । पथ्यां । असि । वसुभिरिति वसु - भिः ।  
 देवेभिः । देवतया । गायत्रेण । त्वा । छन्दसा । युनज्मि । वसन्तेन । त्वा । ऋतुनां ।  
 हविषां । दीक्षयामि । रुद्रेभिः । देवेभिः । देवतया । त्रैष्टुभेन । त्वा । छन्दसा । युनज्मि  
 । ग्रीष्मेण । त्वा । ऋतुनां । हविषां । दीक्षयामि । आदित्येभिः । देवेभिः । देवतया ।  
 जागतेन । त्वा । छन्दसा । युनज्मि । वरुणाभिः । त्वा । ऋतुनां । हविषां । दीक्षयामि ।  
 विश्वेभिः । देवेभिः । देवतया । आनुष्टुभेनेत्यानु - स्तुभेन । त्वा । छन्दसा । युनज्मि ।

## TS 7.1.18.2

TS 7.1.18.2

Samhita Paata

शरदां त्वर्तुनां हविषां दीक्षयाम्यङ्गिरोभि-देवेभि-देवतया पाङ्केन त्वा छन्दसा युनज्मि हेमन्तशिशिराभ्यां  
 त्वर्तुनां हविषां दीक्षयाम्याऽहं दीक्षामरुहमृतस्य पत्नीं गायत्रेण छन्दसा ब्रह्मणा चर्तः सत्येऽधाः  
 सत्यमृतेऽधां ॥ मही मूषु > 1 सुत्रामाण > 2-मिह धृतिः स्वाहेह विधृतिः स्वाहेह रन्तिः स्वाहेह  
 रमन्तिः स्वाहा ॥

Pada Paata

शरदां । त्वा । ऋतुनां । हविषां । दीक्षयामि । अङ्गिरोभिरित्यङ्गिरः- भिः । देवेभिः । देवतया  
 । पाङ्केन । त्वा । छन्दसा । युनज्मि । हेमन्तशिशिराभ्यामिति हेमन्त - शिशिराभ्याम् । त्वा



। ऋतुना॑ । ह॒विषा॑ । दी॒क्षया॑मि । एति॑ । अ॒हम् । दी॒क्षाम् । अ॒रुह॑म् । ऋ॒तस्य॑ । प॒त्नीम् ।  
। गा॒य॒त्रेण॑ । छ॒न्द॑सा । ब्र॒ह्म॑णा । च॒ । ऋ॒तम् । स॒त्ये । अ॒धाम् । स॒त्यम् । ऋ॒ते ।  
अ॒धाम् ॥ म॒हीम् । उ॒ । स्वि॑ति । सु॒त्रामा॑ण॒मिति॑ सु - त्रामा॑णम् । इ॒ह । धृ॑तिः । स्वाहा॑  
। इ॒ह । वि॒धृति॑रिति॒ वि - धृ॑तिः । स्वाहा॑ । इ॒ह । रन्तिः॑ । स्वाहा॑ । इ॒ह । र॑मतिः । स्वाहा॑ ॥

## TS 7.1.19.1

### TS 7.1.19.1

#### Samhita Paata

ईका॒राय॑ स्वाहे॑ कृ॒ताय॑ स्वाहा॑ क्र॒न्दते॑ स्वाहा॑ ऽव॒क्रन्द॑ते स्वाहा॑ प्रोथ॑ते स्वाहा॑ प्र॒प्रोथ॑ते स्वाहा॑ गु॒न्धाय॑  
स्वाहा॑ घ्रा॒ताय॑ स्वाहा॑ प्रा॒णाय॑ स्वाहा॑ व्या॒नाय॑ स्वाहा॑ ऽपा॒नाय॑ स्वाहा॑ स॒न्दीय॑मा॒नाय॑ स्वाहा॑ स॒न्दि॑ताय॑  
स्वाहा॑ वि॒चृत्य॑मा॒नाय॑ स्वाहा॑ वि॒चृत्ता॑य॑ स्वाहा॑ प॒लायि॑ष्यमा॒णाय॑ स्वाहा॑ प॒लायि॑ताय॑ स्वाहा॑प॒र॑स्य॒ते  
स्वाहा॑प॒र॑ताय॑ स्वाहा॑ नि॒वेक्ष्य॑ते स्वाहा॑ नि॒विश॑मा॒नाय॑ स्वाहा॑ नि॒विष्टा॑य॑ स्वाहा॑ नि॒षथ्स्य॑ते स्वाहा॑  
नि॒षीद॑ते स्वाहा॑ नि॒षण्णा॑य॑ स्वाहा॑ - [ ]

#### Pada Paata

ईका॒रायेती॑म् - का॒राय॑ । स्वाहा॑ । ईकृ॑ता॒येती॑म् - कृ॒ताय॑ । स्वाहा॑ । क्र॒न्दते॑ । स्वाहा॑ ।  
अ॒व॒क्रन्द॑त॒ इत्य॑व - क्र॒न्दते॑ । स्वाहा॑ । प्रोथ॑ते । स्वाहा॑ । प्र॒प्रोथ॑त॒ इति॑ प्र - प्रोथ॑ते । स्वाहा॑  
। गु॒न्धाय॑ । स्वाहा॑ । घ्रा॒ताय॑ । स्वाहा॑ । प्रा॒णाय॑ेति॑ प्र - अ॒नाय॑ । स्वाहा॑ । व्या॒नाय॑ेति॑ वि -  
अ॒नाय॑ । स्वाहा॑ । अ॒पा॒नायेत्य॑प - अ॒नाय॑ । स्वाहा॑ । स॒न्दीय॑मा॒नायेति॑ सं॒दीय॑मा॒नाय॑ । स्वाहा॑  
। स॒न्दि॑ता॒येति॑ सं॒दि॒ताय॑ । स्वाहा॑ । वि॒चृत्य॑मा॒नायेति॑ वि - चृ॒त्यमा॑नाय॑ । स्वाहा॑ । वि॒चृत्ता॑येति॑

वि - चृत्ताय । स्वाहा । प्ला॒यिष्य॑मा॒णाय । स्वाहा । पला॑यिताय । स्वाहा । उ॒पर॑स्य॒त इत्यु॑प - र॒स्य॒ते । स्वाहा । उप॑र॒ताये॒त्युप॑ - र॒ताय॑ । स्वाहा । नि॒वेक्ष्य॑त इति॑ नि - वे॒क्ष्य॒ते । स्वाहा । नि॒विश॑मा॒नायेति॑ नि - वि॒शमा॑नाय । स्वाहा । नि॒विष्टा॑येति॑ नि - वि॒ष्टाय॑ । स्वाहा । नि॒ष॒थ्स्य॑त इति॑ नि - सु॒थ्स्य॒ते । स्वाहा । नि॒षीद॑तु इति॑ नि - सी॒द॒ते । स्वाहा । नि॒षण्णा॑येति॑ नि - स॒न्नाय॑ । स्वाहा ।

## TS 7.1.19.2

### TS 7.1.19.2

#### Samhita Paata

ऽऽसि॑ष्य॒ते स्वाहा ऽऽसी॑नाय॒ स्वाहा ऽऽसि॑ताय॒ स्वाहा नि॒प॒थ्स्य॑ते स्वाहा नि॒प॒द्य॑मा॒नाय॒ स्वाहा नि॒प॒न्नाय॑ स्वाहा शयि॑ष्य॒ते स्वाहा शया॑नाय॒ स्वाहा शयि॑ताय॒ स्वाहा संमी॑लिष्य॒ते स्वाहा सु॒मील॑ते स्वाहा संमी॑लिताय॒ स्वाहा स्व॒प्स्य॑ते स्वाहा स्व॒प॒ते स्वाहा सु॒प्ताय॑ स्वाहा प्र॒भो॒थ्स्य॑ते स्वाहा प्र॒बुद्ध॑मा॒नाय॒ स्वाहा प्र॒बुद्धा॑य॒ स्वाहा जा॒गरि॑ष्य॒ते स्वाहा जाग्र॑ते स्वाहा जा॒ग॒रि॒ताय॑ स्वाहा शु॒श्रूष॑मा॒णाय॒ स्वाहा शृ॒ण्व॒ते स्वाहा श्रु॒ताय॑ स्वाहा वी॒क्षि॑ष्य॒ते स्वाहा - [ ]

#### Pada Paata

आ॒सि॑ष्य॒ते । स्वाहा । आ॒सी॑नाय॒ स्वाहा । आ॒सि॑ताय॒ स्वाहा । नि॒प॒थ्स्य॑त इति॑ नि - प॒थ्स्य॑ते । स्वाहा । नि॒प॒द्य॑मा॒नायेति॑ नि - प॒द्य॑मा॒नाय॑ । स्वाहा । नि॒प॒न्नायेति॑ नि - प॒न्नाय॑ । स्वाहा । शयि॑ष्य॒ते । स्वाहा । शया॑नाय॒ स्वाहा । शयि॑ताय॒ स्वाहा । सु॒म्मी॑लिष्य॒त इति॑ सं - मी॑लिष्य॒ते । स्वाहा । सु॒म्मील॑तु इति॑ सं - मी॑ल॒ते । स्वाहा । स॒म्मी॑लि॒तायेति॑ सं - मी॑लि॒ताय॑

। स्वाहा॑ । स्वप्स्य॑ते । स्वाहा॑ । स्वप॑ते । स्वाहा॑ । सुप्ताय॑ । स्वाहा॑ । प्र॒भो॒श्च॒स्य॒त इति॑ प्र -  
भो॒श्च॒स्य॒ते । स्वाहा॑ । प्र॒बु॒द्धय॑मानायेति॑ प्र - बुद्धय॑मानाय । स्वाहा॑ । प्र॒बु॒द्धाये॑ति॑ प्र - बुद्धाय॑ ।  
स्वाहा॑ । जा॒ग॒रि॒ष्य॒ते । स्वाहा॑ । जाग्र॑ते । स्वाहा॑ । जा॒ग॒रि॒ताय॑ । स्वाहा॑ । शुश्रू॑षमाणाय ।  
स्वाहा॑ । शृण्व॑ते । स्वाहा॑ । श्रु॒ताय॑ । स्वाहा॑ । वी॒क्षि॒ष्य॒त इति॑ वि - ई॒क्षि॒ष्य॒ते । स्वाहा॑ ।

## TS 7.1.19.3

### TS 7.1.19.3

#### Samhita Paata

वीक्ष॑माणा॒य॒ स्वाहा॑ वीक्षि॑ता॒य॒ स्वाहा॑ स॒हा॒स्य॒ते स्वाहा॑ स॒जि॒ह्वा॒ना॒य॒ स्वाहा॑-ज्जि॒ह्वा॒ना॒य॒ स्वाहा॑  
वि॒व॒र्त्स्य॒ते स्वाहा॑ वि॒व॒र्त॑माना॒य॒ स्वाहा॑ वि॒वृ॒त्ता॒य॒ स्वाहा॑-त्था॒स्य॒ते स्वाहा॑-त्तिष्ठ॑ते स्वाहा॑-त्थि॑ता॒य॒ स्वाहा॑  
वि॒ध॒वि॒ष्य॒ते स्वाहा॑ वि॒धू॒न्वा॒ना॒य॒ स्वाहा॑ वि॒धू॒ता॒य॒ स्वाहा॑-त्क्र॒स्य॒ते स्वाहा॑-त्क्रा॒म॑ते स्वाहा॑-त्क्रा॒न्ता॒य॒  
स्वाहा॑ च॒ङ्ग॒मि॒ष्य॒ते स्वाहा॑ च॒ङ्ग॒म्य॑मा॒णा॒य॒ स्वाहा॑ च॒ङ्ग॒मि॒ता॒य॒ स्वाहा॑ कण्डू॑यिष्य॒ते स्वाहा॑ कण्डू॑यमा॒ना॒य॒  
स्वाहा॑ कण्डू॑यि॒ता॒य॒ स्वाहा॑ नि॒क॒षि॒ष्य॒ते स्वाहा॑ नि॒क॒ष॑मा॒णा॒य॒ स्वाहा॑ ( ) नि॒क॒षि॒ता॒य॒ स्वाहा॑ यद॑त्ति  
तस्मै॑ स्वाहा॑ यत् पि॒ब॑ति॒ तस्मै॑ स्वाहा॑ यन्मे॑ह॒ति॒ तस्मै॑ स्वाहा॑ यच्छ॑कृ॒त् क॒रो॒ति॒ तस्मै॑ स्वाहा॑ रे॒त॑से  
स्वाहा॑ प्र॒जा॒भ्यः॑ स्वाहा॑ प्र॒ज॒न॑ना॒य॒ स्वाहा॑ सर्व॑स्मै॒ स्वाहा॑ ॥

#### Pada Paata

वीक्ष॑माणा॒येति॑ वि-ईक्ष॑मा॒णाय॑ । स्वाहा॑ । वीक्षि॑ता॒येति॑ वि-ईक्षि॑ता॒य॒ । स्वाहा॑ । स॒हा॒स्य॒त इति॑  
सं - हा॒स्य॒ते । स्वाहा॑ । स॒जि॒ह्वा॒ना॒येति॑ सं - जि॒ह्वा॒ना॒य॒ । स्वाहा॑ । उ॒ज्जि॒ह्वा॒ना॒येत्यु॑त्- जि॒ह्वा॒ना॒य॒  
। स्वाहा॑ । वि॒व॒र्त्स्य॒त इति॑ वि - व॒र्त्स्य॒ते । स्वाहा॑ । वि॒व॒र्त॑माना॒येति॑ वि - वर्त॑मानाय ।

स्वाहा॑ । वि॒वृ॒त्ता॒येति॑ वि॒-वृ॒त्ता॒य । स्वाहा॑ । उ॒त्था॒स्य॒त इत्यु॑त् - स्था॒स्य॒ते । स्वाहा॑ । उ॒त्तिष्ठ॑त्  
 इत्यु॑त्- तिष्ठ॑ते । स्वाहा॑ । उ॒त्थि॑ता॒येत्यु॑त् - स्थि॒ता॒य । स्वाहा॑ । वि॒ध॒वि॒ष्य॒त इति॑ वि - ध॒वि॒ष्य॒ते  
 । स्वाहा॑ । वि॒धू॒न्वा॒नायेति॑ वि - धू॒न्वा॒नाय॑ । स्वाहा॑ । वि॒धू॒ता॒येति॑ वि - धू॒ता॒य । स्वाहा॑ ।  
 उ॒त्क्र॑स्य॒त इत्यु॑त्- क्र॑स्य॒ते । स्वाहा॑ । उ॒त्क्राम॑त् इत्यु॑त् - क्राम॑ते । स्वाहा॑ । उ॒त्क्रान्ता॑येत्यु॑त्  
 - क्रान्ता॑य । स्वाहा॑ । च॒ङ्ग॒मि॒ष्य॒ते । स्वाहा॑ । च॒ङ्ग॒म्यमा॑णाय । स्वाहा॑ । च॒ङ्ग॒मि॒ताय॑ । स्वाहा॑  
 । क॒ण्डू॒यि॒ष्य॒ते । स्वाहा॑ । क॒ण्डू॒यमा॑णाय । स्वाहा॑ । क॒ण्डू॒यि॒ताय॑ । स्वाहा॑ । नि॒क॒षि॒ष्य॒त इति॑  
 नि - क॒षि॒ष्य॒ते । स्वाहा॑ । नि॒क॒षमा॑णा॒येति॑ नि - क॒षमा॑णाय । स्वाहा॑ ( ) । नि॒क॒षि॒ता॒येति॑ नि  
 - क॒षि॒ता॒य । स्वाहा॑ । यत् । अ॒त्ति॑ । तस्मै॑ । स्वाहा॑ । यत् । पि॒ब॑ति । तस्मै॑ । स्वाहा॑ ।  
 यत् । मे॒ह॑ति । तस्मै॑ । स्वाहा॑ । यत् । श॒कृ॑त् । क॒रोति॑ । तस्मै॑ । स्वाहा॑ । रे॒त॑से । स्वाहा॑  
 । प्र॒जाभ्य॑ इति॑ प्र - जाभ्यः॑ । स्वाहा॑ । प्र॒जन॑ना॒येति॑ प्र - जन॑नाय । स्वाहा॑ । सर्व॑स्मै । स्वाहा॑ ॥

## TS 7.1.20.1

### TS 7.1.20.1

#### Samhita Paata

अ॒ग्र॒ये स्वाहा॑ वा॒यवे॑ स्वाहा॑ सू॒र्या॒य स्वाहा॑-र्त॑म॒स्यृत॑स्य॒र्तम॑सि सु॒त्यम॑सि सु॒त्यस्य॑ सु॒त्यम॑स्यृत॑स्य  
 पन्था॑ अ॒सि दे॒वानां॑ छा॒याऽमृत॑स्य॒ नाम् तथ् सु॒त्यं यत् त्वं प्र॒जाप॑तिरस्यधि॒ यद॑स्मिन् वा॒जिनी॑व  
 शुभः॑ स्प॒र्द्धन्ते॑ दि॒वः सूर्ये॑ण वि॒शोऽपो वृ॑णा॒नः प॑वते क॒व्यन् प॒शुं न गो॑पा इर्यः॑ परि॒ज्मा ॥

#### Pada Paata

अ॒ग्र॒ये । स्वाहा॑ । वा॒यवे॑ । स्वाहा॑ । सू॒र्या॒य । स्वाहा॑ । ऋ॒तम् । अ॒सि । ऋ॒तस्य॑ । ऋ॒तम्

। अ॒सि॒ । स॒त्यम् । अ॒सि॒ । स॒त्यस्य॑ । स॒त्यम् । अ॒सि॒ । ऋ॒तस्य॑ । पन्थाः॑ । अ॒सि॒ ।  
 दे॒वाना॑म् । छा॒या । अ॒मृत॑स्य । ना॒म॑ । तत् । स॒त्यम् । यत् । त्वम् । प्र॒जाप॑तिरिति॑ प्र॒जा -  
 प॒तिः । अ॒सि॑ । अधी॑ति॑ । यत् । अ॒स्मिन् । वा॒जिनि॑ । इ॒व । शु॒भः । स्प॒र्धन्ते॑ । दि॒वः  
 । सू॒र्येण॑ । वि॒शः । अ॒पः । वृ॒णा॒नः । प॒व॒ते । क॒व्यन् । प॒शुम् । न । गो॒पा इति॑ गो -  
 पाः । इ॒र्यः । परि॒ज्मेति॑ परि॑ - ज्मा ॥